



UNIVERSITÄTS-
BIBLIOTHEK
PADERBORN

**Desiderius. Dialogvs Vere Pius, & Comprimis Iucundus, De
Expedita Ad Dei Amorem Via**

Comalada, Miguel

Elvaci, 1685

Partis I.

[urn:nbn:de:hbz:466:1-60062](https://nbn-resolving.de/urn:nbn:de:hbz:466:1-60062)



PARS I.

Desiderius peregrinatur.

CAPUT I.

Nvaftâ quâdam solitudine degebat vir quidam sanctus ac pius, jeniji, obsecrationibus, & vigilijs serviens D E O. Hunc quandoque ingens incessit cupido veram absolutâmque sapientiam & Amorem D E I, quatenûs quidem possibile foret, adipiscendi. Itaq; secum statuit totum peragrare orbem, exploraturus, si quem uspiâm reperire liceret hujus rei magistrum. Mox è sua egressus cellula, magno

cum

cum desiderio cœpit iter capessere.
Et posteaquam vir pius (dicebatur
autem Desiderius) multo jam tem-
pore in itinere positus fuerat, ob-
vium habuit pastorem quemdam,
in medio prato suas pascentem oves,
cujus aspectu exhilaratus est. Jam
enim prolixa emensus erat itinera-
nec tamen quemquam unquam vi-
dere contigerat. Gratias, inquit
Desiderius, ago Omnipotenti DEO
Frater mi, quod te huc reperio. Et
Pastor, advenisse te, ait, gratula-
mur: Ecquid verò in hac perquisis
solitudine? Cui Desiderius respon-
dit: Equitem quemdam, qui
hac profectus est,
inquiero.



*Instructit Prælatoſ ac Paſto-
reſ ſpirituaſe.*

CAPUT II.

Intrum non ſine admiratione Desiderius Pastoris hujus erga officium ſuum curam ac studium contemplabatur. Tenebat enim virgam manu, pera vel ſportula ad dextrum appendebat latus, ſoleas ligneaſ gerebat in pedibus, tunicaſ promissaſ veſtituſ erat, ad laevam e zona corniculum, ad dextram aliud majus cornu pendebat: utrumque latus ſtipabant duo canes prægrandes, nec longe aberat tugurium ejus, veſribus ac ſentibus undique ſeptum ac communitum. Pastor verò cogitatundus ſtetit, cernens Desiderium intenta acie ſe contueri, aitque ad eum: Quid me ſic aſpettas? Nullumne antehac pastorem aut opilionem vidisti? DESIDERIUS.

Mul.

Multos equidem mi Frater vidi , sed
neminem adhuc tam benè instru-
ctum. Quæso , ne molestum tibi
sit causam mihi reddere eorum , quæ
ex te sciscitaturus sum. PASTOR.
Minimè verò id molestum erit , mo-
dò ea mihi constiterint. DESIDER.
Quam ob rem baculum geris? PAST.
Miror sanè , quî id scisciteris. Cùm
enim ipse itidem sis pastor , quomo-
do hujus te fugit ratio? Evidem
propterea baculum hunc circumfe-
ro , ut illi innitar , eoque me su-
stentem , ne , dum cum oviculis
meis circumeo , alicubi impingam
& labar : cum etiam ut oves mode-
rer , rectoque deducam itinere , ne
per devia oberrent , sed maneant
conjunctæ semper , ne singulæ pro
suo arbitratu diversum sibi iter eli-
gant. Si qua namque à cæteris sese
abjungat , aut hæreat post alias , hoc
eam baculo pulso vel impello , do-
nec alias comitetur. DESIDERIUS.
Quid verò in pera vel sporta hac ha-
bes?

bes? PASTOR. Quatuor quædam: Nempe igniarium, id est, ferrum & silicem, quo ignem exicitem, ad quem me, dum frigus urget, calefaciam, itemque quo mihi & socijs cibos parem. Deinde etiam panem, cepas, lecythum, sive ampullam oleariam, & sal circumfero, unde læpius ovibus meis, maximè verò è sale, porrigo. DESIDERIUS. Cur soleis ligneis uteris? PASTOR. Ut brumali tempore, dum ningit & frigus est, pedes calidos conservem. Si enim calcis uterer cultioribus ac arte elaboratis, celeriter frustatim attererentur. DESIDERIUS. Quid sibi vult promissa hæc, quâ indutus es, tunica? PASTOR. Hic meus habitus est, quo nisi utar, nemo me pastorem agnoscet. DESIDERIUS. Quæso te unde hic habitus confectus est? PASTOR. Ex oviuis pellibus. DESIDERIUS. Licuisséne ex lupinis, aut aliarum bestiarum pellibus eum

con-



conficere? PASTOR. Nequaquam. Facilè námque oves lupinas pelles adoratu persentirent, iisque perceptis, à me diffugerent. Dum verò suis me pellibus tectum conspiciunt, amant & sequuntur me. DESIDER. Oro te, quid habes in corniculo è zona ad lèvam pendente? PASTOR. Unguentum quoddam, quo oves, dum scabie infestantur, perungam. DESIDER. Quid est in majori cornu ad dextrum latus appenso? PAST. Cretæ genus, quo signem oves meas, ne alienis sese immisceant. DESID. Canes hosce quorsum habes? PAST. Ij noctibus latratus edunt, fugantq; & perterrefaciunt lupos, quo ovi culæ sint magis in tuto, mihi quietiori ac securiori liceat somno perfriui. DESIDERIUS. Quamobrem isthæc omnia tam probè curas? PAST. Quod benignum ac liberalem habeam Dominum, qui magnam, eamq; minimè contemnendam, mihi mercedem pollicitus est: quanquam

non

non tam mercedis, quam ab eo ex-
pecto, contemplatione, quām ex
amore. quo illum prosequor, ita
me gero.

De Eodem.

CAPUT III.

Mirabatur ista secum Desiderius,
atque impendio illi placebat,
quod pastor cuncta ex amore ageret;
atque ad eum : Quandoquidem
frater mi in campo hoc potissimum
versaris, possesne aliquo indicio
certioreme reddere de equite quo-
dam, qui solus huc illucque vagar-
tur, eò quod è suis sedibus ejectus
sit, nolintque eum subditi sui agno-
scere aut recipere, atque ea ex causa
explorat & perquirit, si quem of-
fendat uspiam, qui ipsum suscipere
velit, & apud quem demorari pos-
sit? PASTOR. Ecquod hujus equi-
tatis vocabulum est? DESIDERIUS.

Amor

Amor DEI. PASTOR. Novi sanè
ubi demoretur. Quòd si oviculas
meas perinde ut ego, pascere nōsles,
cordéque & animo ad eas pascendas
firmo ac robusto satis fores, jam te
ad ipsum perducerem, ne deinceps
ut antea, illius perquirendi causa
errabundus ultrò citrōque discurrere
cogereris. Amat namque pastores,
& libenter apud illos versatur. Et
licet præclarus ac nobilis sit eques,
tamen pastoris filius est. Atqui pla-
nè animadverto, hominem te esse
delicatum, ac teneræ habitudinis
sive complexionis, neque toti gre-
gi huic servando unum te sufficere,
neque per hauc solitudinem cum
oviculis ingredi posse. Unde ne-
cessitatem, ut aliud arripias iter. De-
SIDERIUS. Quod me vis iter, bone
Pater, arripere? PASTOR. Per
hanc pergendum tibi est solitudi-
nem, inveniésque haud ita procul
insignes ædes, in quibus non nisi
virgines degunt, ex quibus de hoc
equi-

equite poteris certior fieri. Ea
námque ingenij ac naturæ amabilita-
te, suavitate ac probitate præditus
est, ut ad quoslibet sese adjungat.
Satis isthac dicta arridebant Deside-
rio, maxime quòd reperiendi Amo-
ris D E I spem illi præberet, aitque
ad illum : DESIDERIUS. Obs-
cro frater, ut quā pergendum sit,
me edoceas, ne de via per errorem
decedam. PASTOR. Non licet mihi
oves deserere : at tamen comimo-
dum itineris socium tibi adhibeo,
quo comite, faventibus superis, po-
teris rectâ gradi viâ. En canem
istum tecum ducito. DESIDERIUS.
Quî vocatur? PASTOR. Bona vo-
luntas. DESIDERIUS. Vale mi frater.

PASTOR. Et tu itidem rectè
valeas, prosperoq; utaris
itinere.



De

De Humilitatis Domo.

C A P U T I V .

Igitur relicto Pastore, Desiderius iter ingressus est, unà cum cane suo juxta ipsum cursitante, cùmque in itinere haud mediocriter confirmante & consolante. Ubi aliquam multos dies atque noctes eundo exegerat, Dominica die ad pratum quoddam pervenit, ingens sanè, elegans ac jucundum, sed in arida ac petrosa regione, vel solo, situm. Quæ res non parvum illi stuporem ingessit, quòd tam elegans, viride, floridumque consiperet pratum in loco usque adeò sicco, lapidoſo, spinis ac tribulis obſito. Porrò in hujus prati medio eximiæ erant constructæ ædes, quod illi magnam attulit voluptatem & lætitiam. Accedens autem proprius, vidi fores clausas, & virginem quamdam ad cas foris consistentem, habitu qui-

dem

dem. & gestu ac moribus, ut videbatur, honestam. Quæ ubi Desiderij canem contuita est, timore ac terrore cœpit corripi. Ad quam Desiderius: Nihil, ait, timeas: nānique canis meus nemini nocere novit. Mirabatur interea vehementer Desiderius, videns virginem hanc solam præ foribus consistere, dixitque illi: Quid hīc agis aut præstolaris sola, mēa sōror? Cui illa: Expecto, inquit, dum fores patefiant, ut intrō me recipiam. Et Desiderius: Quo, inquit, vocaris nomine? Ad quod illa: Vana Gloria appellor. Interim non parūm diu præstolabatur Desiderius, priusquam porta recluderetur atque patesceret. Cernens autem se diu frustra morari, pulsare atque clamitare cœpit. Habebant nāmque fores malleum ferreum, quo pulsaretur, isque longanimitas dicebatur. Confestim autem vir quidam prodiit grandævus ac venerabilis, portamque:

que aperuit. Siquidem ostiarius
& totius domus illius custos erat,
noménque illi erat, Timor DEI.
Vito hoc tam egregio, cordato ac
venerando sene, exhilaratus est De-
siderius, & post debitum illi impen-
sum honorem, manūmque deoscu-
latam, ita eum affatus est: Eā gratiā,
mi Domine, hic accessi, ut equitem
quendam, vocabulo Amorem DEI,
perquiram: dictumque mihi est,
eum per hanc profectum eremum,
atque ad has ædes appulisse. Quare
scire velim, sitne intus apud vos.
Ad hanc inquisitionem ostiarius gau-
dio perfusus, quippe qui Amorem
DEI, utpotè germanum suum, im-
pensè diligeret, ait ad Desiderium:
Quamobrem, fili mi, hunc equi-
tem requiris? quid ad illum negotij
habes? DESIDERIUS. Ea re,
Domine Pater, illum inquiero, quod
mihi non modò placeat plurimum,
sed etiam cumprimis necessarius sit.
TIMOR DEI: Quid est igitur?

B. Num.

Num tale aliquid habes, quod non
sis ausus edicere? DESID. Nimirum
hoc est, Domine, quod illius frui
consuetudine, apud ipsum famuli
loco demorari, eoque preceptore
ac Domino uti percupiam: siqui-
dem in cunctis hisce regionibus nec-
dum quemquam, qui meo federet
animo, Moderatorem aut Dominum
adipisci potui, tametsi perplu-
res me expetierint ac obsecrarint.
Cæterum de hoc Amore DEI ab alijs
didici, perquam nobilem, beni-
gnum, & commodum eum esse
Dominum, servisque suis magna
largiri præmia, eò quod locuples ac
liberalis sit. TIMOR DEI sive Ostia-
rius: Verum quidem est, eum hac
transisse, sed paucis comitatum.
Atqui in præsentiarum non est in his
rectis. Sed parumper expecta, dum
virginem huc ad te evocem, quæ
ubinam sit, certis indicis tibi
declareret.

* *

21

*Ut Vana Gloria ad fores
excubârit.*

C A P U T V.

Desiderius intereà latus redditum Ostiarij, & Virginis adventum sustinebat : neque multò pòst modestissima quædam atque honestissima advenit virgo , quæ eum familiariter salutans , ab eo vicissim salutata est : dixitque illi Desiderius : Nomen tuum , obsecro , edicas mihi . Quæ ait : Evidem Nihilipen-
sio vocor , quia non admisceo neq;
occupo me rebus supervacaneis .
Qui verò , ait Desiderius , Domus
hæc appellatur ? At illa , Domus ,
inquit , Humilitatis , siquidem mul-
tæ hîc intus virgines sub unius Hu-
militatis magisterio sive imperio
commoramur . Quæ igitur , ait
Desiderius , est virgo illa , quæ fo-
ris ad ostium subsistit ? Respondit
Virgo : Ea nimirum Vana Gloria est ,

B 2. quæ

quæ perpetim ad fores residet, do-
nec patefiant. Quamobrem si Ostia-
rius sit negligens, neque strenue
suum curer officium, aut fores sinat
apertas, potest utique hue irrepere.
Cur eam non intramittitis, inquit
Desiderius, quando verbis, habi-
tu, gestu benè morata & honesta
videtur? Neutquam, ait virgo,
eam nōsti, mi Frater. Fera profe-
ctò pessima est. Nam quantò habi-
tu ac moribus honestior ac religio-
fior videtur, tantò detetior est. Ec-
quid, ait Desiderius, mali vobis
irrogat? Ad quod Virgo: Quan-
tum, inquit, maximè potest. Nam-
que improbissimo patre progenita
est, qui Amor sui appellatur: &
matre nequissima, nempe sui repu-
tatione vel existimatione immodica.
Hoc autem patre & matre, itemq;
eorum filiâ, nullos magis pernicio-
sos toto orbe hostes experimur:
iidemq; Equiti cuidam, qui præ-
cipuus noster Paterfamilias est, &

Amor

Amor DEI dicitur, multò sunt infestiores. Et ut noveris, quæ nobis mala inferat Vana Gloria, ubi semel intrò irrep̄sit, usque adeò vorax & gulosa est, ut cum primis ad hortum sese recipiat, fructusque omnes arboris, omnium, quas habemus, pulcherrimæ & optimæ, tollat ac devoret, cùm tamen illis fructibus vitam sustentemus, neque nisi unicam duntaxat, quæ hos ferat fructus, arborem habeamus, eamq; tam parcos producentem fructus, ut vix sustentandis nobis sufficient. His autem ablatis per Vanam Gloriā fructibus, tam inopes ac pauperes remanemus, ut nihil omnino nobis sit reliquum. Et quod his pejus est, tam versipellis est adulatrix, ut posteaquam semel huc ingressa est, nemo fit, qui multo sudore eam possit foras ejicere, prater solani præcipuam Matrem nostram: quâ visâ, mox in pedes sese conjicit. Unde satius est, nullam ei huc in-

B 3 tro-

troeundi copiam facere. Atque ea re consultissimum nobis visum est, senem hunc ostiarium nobis perpetuum retinere. Nam valde durus & rigidus est, moxque illi fores præcludit, agitque satis, ne huc possit ingredi. Adeoque precatæ eum sumus, ut, quoties porta referanda est, circumspectus sit, nec ostium unquam apertum manere sinat. Stupebat hæc Virginis dicta Desiderius, atque ad eam: Magnoperè sanè curandum vobis est, quandoquidem tam vobis pernicialis est, ne in has ædes ullus ei unquam aditus patefiat.

Qua ratione ad Humilitatem perveniat.

CAPUT VI.

A It porrò Desiderius: Quisnam te in has elegantes, honestas, & virtutibus conspicuas perduxit ædes? Duæ, illa respondit, virgines

gines huc me introduxerunt, qua-
rum una dicitur Contemptio Mundi,
quæ erat pia admodum: Altera
Contemptio sui, quæ priori sanctior
est. Hæ virgines intrò me dedu-
centes, supremam Matrem & Do-
minam nostram, ut me reciperet,
precabantur: quod tamen non fe-
cisset, nisi ob amorem Equitis cu-
jusdam, qui nobis in itinere venit
obviam, nobiscumque huc intravit,
cujus causâ hac me donavit ueste, at-
que in virginum suarum contuber-
nium me admisit. Quòd si ea nobis
divinitùs gratia præstata non fuisset,
ut Eques ille nobiscum intraret, to-
tum hoc iter frustra confecissemus.
Neque enim me unquam suscep-
sint, totiusque laboris mei jactu-
ram ipsa fecissem. D E S I D. Quod
illi Equiti nomen est? V I R G O.
Amor D E I. Gratum valde erat
Desiderio, Amorem D E I tantæ
esse existimationis, ut ejus causâ tot
tantaque fierent, majorique illius

B4 desí-

desiderio accensus est. DESID. Orotor mea , quibus parentibus
prognatae erant virgines illæ duæ,
quæ te huc introduxerunt ? Non
enim parùm confert ad alicujus pro-
bitatem ac honestatem , si honesto
ac virtutibus ornato patre editus sit.
Ut plurimùm enim arbor ex radice
virtutem trahit. VIRG. Non me
illarum progenitores latent : quippe
quæ præclaris ortæ natalibus sunt,
earumque parens in Regis nostri pa-
latio ex præcipuis unus est , diciturq;
Cognoscere. Itidemque earum
avum benè novi , cuius est nomen,
Considerare , estque reverè intelli-
gens , prudens , ac strenuus vir ,
officio suo probè perfungens. Isq;
uxorem duxit , nomine Sapientiam
vel Prudentiam. DESID. Eques in
itinere vobis factus obviam , solus-
ne ad vos advenit ? VIRG. Minimè
gentium. Enim verò puerum quem-
dam impensè ipsi charum secum ha-
buit , vocabulo , Amorem proximi.

DESID.

DESID. Possisne certum me efficere,
quonam Eques abiérit? VIRG.
Possim equidem. Sed jam intrò in-
grediamur, ducamque te ad quas-
dam, quæ te hinc certius edocere
poterunt. Atqui, O D E U S bone i-
ait, quid sibi vult canis hic tam gran-
dis, quem tecum ducis? quorsum
illo uteris? DESID. Datus est mihi
ab alijs. Principio namque parvum
apud me catellum habebam nutritum
in cubiculo meo, donec ad quem-
dam perveni pastorem, à quo gran-
dem hunc canem accepi, qui me
per hanc vastam sylvam & solitudi-
nem comitaretur, in qua multos
aliorum relatu didici serpentes & fe-
ras degere, quas ille fugare novit.
VIRG. Quinam vocatur? DESID.
Bona voluntas. VIRG. Canis pro-
fectò optimus is est, modò eum be-
nè servare nōris; certus esto, donec
tecum erit, nihil tibi patietur mali
accidere, neque est, quod per de-
via aberraturum te verearis.

B5 Dic

Dic mihi, obsecro: ex quo potero
de hoc Equite certior fieri? VIRG.
Frater mi, procul hinc habitat,
longumque tibi per hanc eremum
conficiendum est iter, antequam ad
illum pervenias. Ad minus septem
dierum iter agendum est. Septem
namque in hoc deserto domus sunt,
neque praeter hanc alia via superest:
Attamen ob Amorem DEI, cuius
te avidum conspicio, compendia-
riam quamdam semiram tibi indica-
bo, qua celerius multò ad illum
pertinges. Sed meo pareas consi-
lio necesse est. Desiderius his au-
ditis latabatur, maximè quod se
solùm ob Amorem DEI id facturam
assereret, dixitque illi: DESIDER.
Quidquid voles faciam, tantum ut
DEI Amorem consequi liceat. VIRG.
In hac solitudine octo domus sunt,
quarum ista, nempe Humilitatis,
prima est, altera Justitiæ, tertia
Prudentiæ, quarta Fortitudinis,
quinta Temperantiæ, sexta Fidei,
septi-

septima Spei, octava Charitatis est.
In hac extrema D E I Amor commo-
ratur, atque inibi ostiarij fungitur
officio. Atque totum hoc iter per-
agendum est, modò rectè proficiisci
velis. Verùm, ut antè dixi, iti-
neris quoddam compendium te do-
cebo, quo citius ad eum pervenias.
At nihilominus aliquamdiu hisce in
ædibus demoreris oportet, quò cun-
cta instituta nostra probè addiscas,
animadvertis, ac memoriâ comple-
ctaris, ut cum Domina nostra ejusq;
Filiabus amicitiam contrahas, no-
minaque & gestus ac vitam earum
firmiter retineas, & diligenter edi-
seas. Deinde ubi cuncta hujus do-
mûs bene explorâris, atque ad DEI
Amorem quædam à nobis documen-
ta pertuleris, ob eximiam illam,
quâ has ædes præ cæteris domibus
prosequitur, dilectionem, absque
mora libentissimè te suscipiet, ma-
ximè si à Domina nostra litteras ad
eum apportâris. D E S I D. Quare

B 6 præ

præ cæteris chariores vos habet.
Eques, quando (ut mihi videtur)
omnium pauperrimæ, longè infi-
niæ & paucissimæ estis? VIRG.
Domus hæc prima in hac eremo ex-
ædificata est, cæteræque omnes huic
subjectæ sunt: præcipuisque Pater-
familiâs & Præfectus noster, hujus
Domus opifex & architectus, apud
nos commoratur. Et licet per hoc
desertum cæteras ædes invisurus,
atque in bono servaturus ordine ob-
ambulet, non tamen aliter, quâm
hujus domûs filium, sese patitur ap-
pellari. Atqæ adeò primùm hîc à
nobis habitu donatus est. Magno-
pere hisce vitginis hujus dictis Desi-
derius delectabatur: adeò ut cor su-
um amore transfigi atque inflammari
sentiret. Siquidem verborum illius
mentem probè capiebat, dixitque
illi, optatissimum sibi esse etiam
multo tempore inibi degere, & cun-
cta diligenter explorare. Tum
verò

verò manu illius apprehensâ, dixit
illi virgo: Jam igitur pergamus
intrò.

*De Humilitatis proposito, &
eiusdem cum Desiderio collo-
cutione.*

C A P U T VII.

Domûs hujus structura Deside-
rio cum primis arridebat,
ejusque stupebat pulchritudinem,
quandoquidem simplex, minimeq;
fucata erat. Non enim in altum a-
surgebat, neque curiosis picturis,
aut coloribus admodum ornata, sed
humilis & commoda erat, neque
super arenam, sed petram vivam
collocata. Deinde ubi in Oratorio
precem dixerat, ad Dominæ cubi-
culum virgo eum perduxit, quæ
eum humanissimè exceptit, quod
admodum pius & D E O devotus esse
videretur: jussitque eum apud se re-

fide-



fidere, aitque illi: Quæ te res permovit, Fili, ut ad nos accederes, cùm tamen inopes, simplices & abjectæ simus? DESID. Domina Mater, Equitem quemdam, cuius est nomen Amor DEI, perquiro: atq; ut ab alijs accepi, invenire eum non licebit, nisi priùs aliquamdiu hīc apud vos intūs demoratus ero. Unde nisi molestum est, sub tua obedientia tuoqué imperio vivere perquam velim. HUMILITAS. Desiderium tuum & bona voluntas mihi sanè gratissima sunt: tamen primum dispicias, ac diligenter expendas tecum, quid suscepturus aut aggressurus sis, ne postmodum facti te pœniteat. DESID. Gratiam suam in bonis omnibus, omniqué virtute perseverandi mihi ut præstet, DEUM oro. HUMIL. Amen, idemqué bonum hoc, quod in te cœpit, opus etiam absolvat & consummet. Atqui insuper ncessum est, ut & ipse pro viribus id, quod

po-

poteris, adhibere ne omittas, quò
DEUS tandem perficiat. DESIDER.
Ecquid mihi agendum censes?
HUMILITAS. Dicam tibi fili. Si
quidem apud nos permanere cupis,
neque à meis virginibus foras ejici,
isthanc filiam meam minimam, quæ
te hoc introduxit, amicam & mo-
deratricem sive magistram tibi assu-
mas oportet: quæ quidem Nihili-
pensio (id est, omnis curæ super-
vacanæ contemptio) dicitur, cui
ea de re id à nobis demandatum offi-
cij est, ut hospites excipiat: & ipsa
Novitiorum semper moderatrix est.
Ejus autem imperio quotquot subja-
cere nolunt, nunquam perseverant.
DESID. Lætus sanè eam mihi ma-
gistram accipio. Interim oro, Do-
mina Mater, tuum nomen, genus,
conditiones, statumque mihi indi-
ces, & qua ratione hisce virginibus
præfecta sis: ut enim mihi relatum
est, cunctarum tibi parentium vir-
ginum proprietates, conditionem,

ac

statum nōsse oportet, idque eō, ut
dum eas perspectas habuero, tanto
ferventiū amem: atque ubi hinc
discessero, eis, qui ex me fortè sci-
scitaturi sunt, rectius possim re-
spondere, ac pleniū eos edocere.
HUMIL. Nomen mihi Humilitas
est. Pater meus, Contemptus sui
dicitur. Avus meus, Cognoscere
seipsum vocatur. Ejus conjux, Co-
gnitio DEI appellatur. Avus hic
meus ex quadam civitate duxit origi-
nem, cuius est vocabulum, Atten-
dere vel Considerare quid sim,
quid fuerim, quid futurus sim.
Eius conjux, id est, Avia mea, ex
alio prognata est oppido, nempe
Consideratione Amoris DEI. Ad
antedictam verò Avi mei patriam
nonnisi duabus pergitur viis, por-
tisque duabus aditus pater. Prima
est, Ipse met Homo: altera, Crea-
turæ. Ajuntque nemini ad alteru-
tram harum portarum, nisi volitan-
do, patere accessum & ingressum;
ipsum-

ipsumque Dominum nostrum proprijs manibus hanc exædificâsse civitatem : eò quod nemo sit præter ipsum unum, qui tam commodam, elegantem, atque firmam possit structuram conficere. D E S I D. Itane Dominus noster, cuius tanta est majestas & præstantia, ejusmodi exstruendis muris, operique lateritio ac luteo efficiendo sese adjungit? H U M I L. Maximè sanè : siquidem insignis est artifex, peritusque cæmentarius & architectus : adeoque gaudio illi est & voluptati, lutea conficere opera, sive ex luto struturas, murosque efficere. D E S I D. Quid causæ est, ut isthæc agat, quando nullius prorsus indiget? H U M I L. Ad hæc agenda non nisi immenia illius bonitas eum impellit ac movet, qua fit, ut nunquam velit cessare, quin aliis prospicit : nec illis omnibus, quæ efficit ac molitur, nisi singulorum ac omnium salute, commodum, ac felicitatem spectat & aucu-

pa-

patur: ita tamen, ut honor & laus
ipsi uni tribuantur. Hacque de cau-
sa tam insignia efficit opera, ex tam
vili materia, nempe, è luto vel ter-
ra, nimirum ut operum magnifi-
centiâ cum materiæ vilitate collatâ,
cuncti ipsum admirantur, laudent,
& diligent. DESID. Evidem satis
admiror, tam præstantem Domi-
num laudibus velle affici. Pericu-
lum sanè maximum est, ne vanâ
gloriâ capiatur. HUMIL. Nihil
minùs ei metuendum est: quando-
quidem ita perfectus & absolutus est,
ut nihil ei perfectionis desit: ho-
norque illi impensus & gloria, non
vana est, sed illius propria est, eumq;
decet, eiique jure debetur. Et quan-
tumvis ei magnus habeatur honos, si
tamen ad eum spectes honorem, qui
illum decet, eiique congruit, ejusq;
majestati debetur, non potest un-
quam pro dignitate honorari. Atq;
ea re laudari ac exaltari vult, non
quòd sit gloriæ cupidus, sed quòd
ju-

justissimus sit, velitque cuilibet, quod suum est, tribui: cumque illi uni, tanquam soli bono, omnis honor, laus & gloria debeatur, ea etiam sibi uni vult praestari ac exhiberi. Quod si quisvis alius ea tanquam sua ac propria ambiat & appetat, ejus vana est gloria: præripiturque ac suffuratur eam illi, cuius unius est: potestque pro deliberato ac voluntario fure haberi, quando rem alienam, insidente ac invito domino, contrectat, sibiique usurpare appetit.

Prosequitur inchoatum sermonem Humilitas.

C A P U T VIII.

DE SIDERIUS. Posteaquam Domina Mater, genus tuum mihi edixisti, velim explices, quinam hujus domus praefecta sis instituta. Siquidem clarum quidam,

dam , eximiusq; honos is mihi vide-
tur : possitq; olim ita evenire, ut &
ipse alicujus domûs præfectus effici-
ar. Multùm enim interest, inter jus-
sa dare & accipere. Humilitas his au-
ditis in lacrymas prorupit. Cui De-
siderius : Quamobrem , inquit ,
Domina Mater , lacrymas fundis ?
H u m i l. Lacrymas mihi exprimit
Fili hoc ipsum , quòd humilitatis
habitu foris quidem rectum , intus
autem nudum te conspiciam : &
quòd nomine pius ac devotus videa-
ris , te autem ipsa & animo procul à
pietate & devotione absis. Frustrà
quidem hactenus in eum sermones
commisisti , quando hujuscemodi
cogitatus & desideria mihi , Patriq;
meo , & longè amantissimo Domi-
no JESU , qui neque verbis , neque
factis unquam dominatum expetiit
& ambivit , neque venit ministrari ,
sed ministrare , prorsus adversan-
tur. A quo itinere quisquis defle-
ctit & aberrat , non Beatitudinis ,
sed

sed Damnationis amplectitur iter.
Atq; O ! miseros & calamitosos nos,
quibus alios regere ac moderari in-
cumbit , cùm satis superque negotij
nobis facessat nostri ipsorum mode-
ratio. Talis honor prorsus miser-
est , plenus curis omnigenis , labo-
re , defatigatione , afflictione , an-
gustiis , periculis , & horrendo ti-
more : idemque si non rectè geritur
ac administratur , sempiternâ igno-
miniâ , & dedecore commutatur.
O præfecturæ vel regiminis onus
grave ! ubi nihil nisi labor & mole-
stia sentitur : & à quibus merita præ-
mia & gratiarum actio expectanda
forent , odium , obmurmuratio , ac
malevolentia recipitur. Siquidem
aliquamdiu hîc apud nos demoratus
eris , senties me verum dicere. Por-
rò quod ad percontationem tuam at-
tinet , nempe , uti ipsa in Præfe-
ctam evecta sim , jam mea tibi pan-
dam secreta , totumque animum ob-
amorem D E I explicabo. Ubi ad
has

has primūm accessi ædes, ita mecum
constitueram, mihiq[ue] persuase-
ram, me jumentum esse, cætera-
rumq[ue] virginum vilem servam ac
famulam: istudq[ue] propositum tan-
toperè dilexi, appetij, & cordi ani-
moq[ue] impressi, continenter ipsum
mente volvendo, DEUMq[ue] ob-
secrando, mihi id ut charum red-
deret, uti D E U S omnipotens me
illi in matrimonium collocârit,
eiusq[ue] conjugem effecerit: atque
illius procuratione & operâ hoc mu-
neris vel officij adepta sum: tametsi
id ipsa neque vellem, neque appe-
terem. Hæc ubi Desiderius perce-
pit, virginem hanc eximia censuit
virtute præditam, eò quòd se ob
Amorem DEI usque adeò vilipendie-
ret ac abjiceret. Cumq[ue] eam ad-
huc virginem esse cerneret, facile
animadvertisit, non carnale, sed spi-
ritale eam matrimonium comme-
morare: aitq[ue] ad eam D E S I D E R.
Quisquis igitur in Superiorem &

Præ-

Præfectum vult erigi ac promoveri, is priùs (ut ipsa fecisti) sese abjiciat ac humiliet oportet. HUMIL. Ita planè Fili. Quod si probè capias, fenties hanc ipsius summæ veritatis esse sententiam. DESID. Et quî me hæc capere oportet? HUMIL. Ita videlicet, eum qui se humiliet, exaltari, sic tamen, ut non eò se humiliet, ut idcirco optet exaltari, ita namque superbus erit. Superbia autem & Humilitas sibi mutuò adversantur: & quod plus est, semper sibi invicem contradicunt. Siquidem in opere, quod quis facit, dum sese perfectè humiliat, extollere simul non potest. Qui verò sese humiliat & abjicit eo animo, ut exaltetur, is actu quidem prælefert humilitatem, sed in seipso superbus est. Et quia actio ex fine & animi destinatione seu proposito denominatur, talis humilitas superbia dicitur. Ex quo fit, ut humilitas, non una ratione, sed diversa, superbia dica-

dicatur. Nam quod ad actum ipsum attinet, foris quidem humilis est, sed ob finem & animi destinationem, superbiæ obnoxius est. Atque ut propriè loquamur, humiliatio cum superbia non pugnat, sed spiritus humilitatis. Estque impossibile, ut hæc duo simul permaneant. Humiliatio enim nonnisi actus est: Spiritus autem humilitatis, tum actum ipsum, tum sese abjiciendi ac humiliandi propositum consummat & exequitur.

*Sermonis hujus continuatio,
& de concertatione adversum
vitia.*

CAPUT IX.

HUMILITAS. Iste ergo Matri-
tus meus jam ante commemo-
ratus, (videlicet Propositum hu-
miliandi me ut jumentum & servum
omni-

omnium) mihi suppetias tulit, fidumque se ac commodum & utilem præstítit in quadam similitate ac concertatione, quæ mihi est cum Domina quadam & nonnullis virginibus alterius domus, nempe Superbiæ, cuius Domina & Præfecta, Superbia vitæ appellatur, quæ quotidie mihi oculos exsculpere molitur, mecumque jurgatur. Adducit autem secum ejusdem domus tam Subpræfectam, quæ dicitur Carnis Concupiscentia, quam Procuratricem, vocabulo, Concupiscentiam oculorum. Adjungit autem hisce tribus sese comitem virgo quædam improbissima, harum genitrix atque educatrix, nomine Negligentia, quæ cum sit interdum debilis ac imbecillis, & sine viribus, facilè tunc superatur. Interdum verò usque adeò sese cibis ingurgitat, ut robusta, crassa, ac periculosa existat. Habet sibi servam puellam quandam hebetem, planè deliram, male in-

C sti-

stitutam, ac parùm edomitam, vocabulo Malitiam: cum qua tres alia ancillæ huc adveniunt, quarum prior Ira, altera Acedia, tertia Invidentia appellatur: hisque postremis jungunt sese alia duæ, nempe Prava Suspicio, & Judicium Temerarium. Istæ omnes mecum inimicietas exerceat, mihiq; infestæ sunt atque adversæ, quibuscum mihi pugnandum atque conflictandum est. Cumq; huc intrò ingrediuntur, adhibeo mihi maritum meum, sicq; evestigiò foras eas ejicimus, cogimusq; præcipites ruere & abscede-re. Tum verò hoc solum reformi-dandum nobis superest, ne virgo, quæ ad fores perpetim observat, puta Vana Gloria, huc irrepat. Nam si illi huc intrandi fiat potestas, omni nos fructu & gaudio, quæ ex alijs devictis ac profligatis contraximus, miserè despoliat, ita ut planè jejuni maneamus, neque labore ac defati-gatione nostra perfruamur. DESID.
Quâ

Quî fit igitur, ut, dum aliæ vobis no-
cituræ huc ingrediuntur, non etiam
ista foris persistens, sese intrò recipi-
piat? HUMIL. Eò videlicet, quod
aliæ illæ virgines alis præditæ sint,
neque per portam intrent, sed per
murum advolitent. Sæpius autem
ita sese uspiam in his abdunt ædibus,
ut, dum nos nihil suspicamur mali,
ipsæ alicubi delitescant: maximeq;
opportuno tempore, dum nos nihil
veremur minus, ultrò citroque in
Castro obainbulent ac pervagentur.
Unde summoperè necessaria est cura
ac circumspectio pervigil, ne quem
ex improviso invadant & spolient.
DESID. Agè hac de re diligentius
colloquiamur. Quamobrem hæc
vobis um illis lis est & conflictatio,
cùm utique malum sit, hominibus
secularibus perniciosa præbere ex-
empla: id quod fit, ubi inter ho-
mines religiosos ac devotos D E O,
tot dissidia, tantamque improbita-
tem conspiciunt, quos tamen non

C 2 igno-

vo-
alia
pri-
nvi-
emis
Pra-
rari-
nici-
sunt
pu-
est.
, ad-
que
ogi-
ede-
rmii-
rgo,
pu-
Nam
nni-
lijs
hus,
juni-
fati-
SID.
i

ignorant mansuetos, benignos, misericordes, ac ob Amorem D E I, erga quovis amicabiles esse oportere? HUMIL. Eâ gratiâ nos hac domo eas depellimus ac exturbamus, litesque & jurgia cum eis gerimus, quod Divino Amori, qui Princeps ac Dominus noster est, prorsus infestæ atque contrariæ, capitalesque hostes sint. Enimverò in illis, quæ Divino adversantur Amori, cum nemine nobis ulla pacis consensio, nec quicquam commercij est.

De Concupiscentia Carnis.

CAPUT X.

INterim Desiderius isthac, quam erga Amorem D E I gerebat Humilitas, benevolentiam ac ingenti fiduciâ, mirificè delectabatur, aitq; illi: Oratam te velim Domina Mater, ut quibusnam rationibus acad-

mi-

miniculis virgines illas pestiferas,
hostes vestras superetis & hinc ejiciatis,
me docere non graveris. HUM.
Evidem id probè te edoctum vellem.
Sed quia naturam, vitam,
habitudines animi ac spiritus tui nec
dum funditus perspectas ac explorata
habeo, sed conjecturas duntaxar
& indicia quædam, adhuc animi
dubia sum, num hinc instituendus
sis. Siquidem ob naturæ multimo-
das habitudines ac constitutiones,
non omnibus mel dulce est. DESID.
Domina Mater, quantusquantus
hic sum, & à te conspicio, totum
metuæ dedo voluntati, omnem ra-
tionem ac intellectum meum tuo pe-
nitùs submittendo ac permittendo
judicio: tantum ut me doceas, qua
ratione DEI Amor mihi reperiendus
sit. HUMIL. Faciam id sanè ex ani-
mo: secretaque mea & exercitatio-
nes omnes quotidianas, vitamque
totam tibi explicabo atque commu-
nicabo. Principio quidem sanctum

C 3 il-

illud Propositum ac Institutum meum, cuius suprà memini, me totius mundi, dum eum contemno, Dominam fecit : per castigationes item & jejunia, Dominam corporis mei ; & per humiliationem mei spontaneam non modò dæmonis, sed etiam totius plebis meæ & communictatis, ac mei ipsius tandem, quod maximum est, Dominam ac Principem constituit. Enimverò dum plebs mea operam dare atque conniti me conspicit, ut DEI Amori placeam, cum totâ mihi obfistit familiâ meâ. Sola ego cum antè memorato conjuge meo, pace & tranquillitate perpeti furor. Stupebat intereà Desiderius virtutem ac efficaciam illius, quem Humilitas suum conjugem dicebat, aitque ad eam : DESID. Obscro Domina Mater, ut per quasdam similitudines hinc me pleniùs atque apertiùs instituas. Sum namque sic satis obtuso ingenio, faciliusque per exem-

pla

pla & similitudines horum mentem
assequi potero. Placebat Humili-
tati isthæc Desiderij postulatio, quan-
doquidem modestus ac humilis non-
nihil effectus videbatur, dum se ru-
dem ac hebetem agnosceret: dixitq;
illi: H U M I L. Ubi aliquam ex præ-
dictis virginibus huc ingressam ani-
madverto, fili charissime, hac me-
ratione gero: nempe, dum prima
adventat, ipsa scilicet Carnis Con-
cupiscentia, jam antè conditiones ac
habitudinem illius, & cuiusmodi
ipsa sit, puta quòd admodum sit de-
dita ingluviei, viresque sibi augeat
cibi ac potionis adminiculo, neuti-
quam ignoro. Eamobrem precio-
sum omnem cibum illi subtraho: sed
neque de communibus escis ac potu-
rantum illi permitto, quantum ipla
velit. Et quia propriæ vires ad eam
edemandam non satis firmæ ac ro-
bustæ sunt, maximè quòd domestici
mei atque familia illi suppetias fe-
rant, auxilium imploro: atque à

C 4 de-

dextris mihi assistit Divina Gratia,
quæ cor meum adversùs hanc perni-
ciosam virginem muniat & confir-
met. Itemq; viri mei posco opem,
aioque ad eam: Soror, carnem ipsa
meam contempsi, meque jumen-
tum duco: jumentum verò nullas
præclaras expetit escas, sed solam
corporis simplicem sustentationem:
neque etiam petit aut inquirit alia,
præterquam quæ Dominus illius ei
præbere velit. Quòdsi Dominus
novit lascivum ac vorax illud esse,
fiscella id capistrat, ne, nisi dum
Ipse velit, & quod illi visum sit,
edat. Ita, soror, placet mihi hac
in parte jumentum esse, meque ut
jumentum gerere. Amor autem
DEI capistrum mihi adhibuit, nem-
pe sobrietatem, uti ne cibum capi-
am, nisi dum in commune admini-
stratur: & ne quid aliud inquiram,
expetam, exigam, neque aliter ap-
paratum & coctum, atque mihi pro-
ponitur: eoque contenta sim. Ad

hæc

hæc D E I A M O R adjecit; siquidem ipsi placere ac servire velim, uti etiam ex illis, quæ administrata sunt, solum necessaria cum timore ac mediocritate temperanter accipiam: semperque honestatis causâ quippiam in catino remaneat, uti hoc ipso me gratam significem, tantumque mihi præstitum, ut adhuc aliquid in paropside reliquum sit. Nam dum cuncta absuntur, tantundem est, ac si dicas: Quæ apposuisti, non mihi sufficiunt, neque ijs contentus sum: igitur jubeas plura apponi. Deinde etiam hæc mihi ob D E I Amorem institutio data est, velle quidem & appetere me debere, ut minus quam cæteris, & quod pessime præparatum sit, mihi tribuatur, semperque quippiam mihi desit, atq; in hoc ipso ob Amorem D E I gaudeam. Hac nimirum ratione virgo isthæc procax & petulaus, quantum quidem ad me attinet, proculata ac prostrata est. Verùm quando

C S non

non mea duntaxat carne , sed etiam personis aliis ad libidinem me provocat ac extimulat , fugio eam quo ad possum , ab illis omnibus me abstracthendo ac segregando , quibus me ad amorem & libidinem vel concupiscentiam illicit . Atque hac in parte , tanquam præsentissimum remedium , præcipuamque artem & antidotum , fugam amplector . Neq; tamen solo in corpore me impugnat , sed etiam intùs in anima varias & illicitas ingerendo cogitationes & imagines . Hoc casu itidem fugiendo remedium adhibeo , abscondende in foraminibus petræ , in caverna maceriæ , cogitationesque & imaginationes meas ad dulcissimum J E S U M meum transfero , ejus videlicet sacratissimam vitam , passionem , cruciatu s , & mortem nimis acerbam commemorando : itemque ad mentem revocando tormenta inferorum , severum D E I judicium , mortemque meam & extremum vitæ

hu-

hujus diem , quodque divino me si-
sti tribunali necesse sit, de omnibus
illic rationem reddituram. Hisce
adminiculis virgo nefaria, Subpræ-
fектa Castris Superbiæ , prorsus pes-
sum premitur , forasque ejicitur.

*De concupiscentia oculorum,
& superbia vitæ.*

C A P U T XI.

Porrò ad hanc penitus superan-
dam , necessarium est , sociam
illius , jam sæpè dictæ exitialis Do-
mūs Procuratricem , puta Concipi-
scentiam oculorum , quæ magnas
Concupiscentias Carnis præbet alas ,
itidem profligari. Ista namque sæ-
pius illi materiam subministrat ,
quanquam & ipsa sancto Proposito
meo propulsatur. Siquidem ubi ad-
ventat , ita illi aio : Jumentum sum ,
soror , novique , jumentum non con-

cupiscere ea, quæ non habet coram se, cæterasque res superfluas: solaque necessaria expetere, & iis esse contentum: neque etiam in ipsis necessariis esse curiosum, parvipendendo num ephippium & frænum, cæteraque ejusmodi, inaurata sint, aut præsepe vel stabulum usquequaque ipsi accommodum sit, contentum videlicet, si stare aut decumbe-re liceat. Cùm igitur causa Amoris DEI, me jumenti loco habeam, etiam corpus meum ceu jumentum tra-ctabo. Sicut ergo jumentorum domitor, dum ea effrænata nimium, caputque huc atque illuc plus satis attollere conspicit, capistro injecto, cervicem illorum deprimit: ita & **A M O R D E I** quodam me chamo constrinxit, ipso scilicet Pudore aut Verecundiâ, ne vana isthæc curiosius aspiciam, eaque concupiscam. Non enim licet videre, quod non liceat concupiscere. Docuit autem me **A M O R D E I**, ut, ubi quippiam pul-

pulchrum, jucundum, rarum, singulare, ac affabre elaboratum conspexero, mox ita dicam: Amorem meum in te collocare nolo, teque respuo, ac merissimae vanitatis & nihil loco habeo: itaque memor præstantiae ac dignitatis meæ, in hujusmodi rem tam vilem, abjectam, futilem, caducam, amorem voluntatemque meam non conferam, sed in unum duntaxat summum ac præcipuum bonum, thesaurum, nobilitatem, neque unquam defecturam pulchritudinem, in ipsum nempe amantissimum J E S U M meum, qui amorem ac voluntatem meam, reposcit, eamque suo sibi jure vendicat. Hoc pacto altera virgo enervata succumbit. Hisce autem duabus propulsatis, restat extrema, Domina scilicet, una omnium terrima, callidissima ac fallacissima, bonis actionibus semper insidians, nomine Superbia Vitæ, quæ dum huc ingreditur, nunc hac, nunc

aliam

alia stipata pedis lequa, quandoque bonam, quandoque malam adducit æmulationem; sed illicè ex me audit, Jumentura non aliter tractandum est, atque jumentum: idemq; nullo honore. nulla existimatione, sed omni potius ignominia & contemptu dignum est. Quandoque ceu querula venit ad me, ita dicens: En! ut Superiores mei me habent, uti se erga me gerunt. Ætate & sapientiâ ac ingenio nihilo aliis inferior sum: & tamen cum illâ & illâ secùs atque mecum agitur. Sed illius ego technas mox deprehendo, eamq; antevertens, aio: jumentum non nisi duriter habendum, tundendum, verberandum est. Nam si herus illius benignè illi faciat, quandoque calcitrabit, aut cum eo jocari incipiet, nec debitum illi habebit honorem ac reverentiam. Enimvero cordatus ac intelligens Dominus jumentis suis, quamvis charis, nullam singularem, indebitam superflu-

fluam exhibebit familiaritatem & amicitiam, sed semper quandam præseferet gravitatem & auctoritatem: quandoquidem ejusmodi familiaritas non humilitati, benignitati, amori, affabilitati, sed iniicitæ potius ac stultitiæ tribuitur. Si quidem ea ipsa jumentis suis plus incommodi ac detrimenti, quam utilitatis adfert. Cæterum prudens ac discretus Dominus, potius operam dabit, appetetque, ut jumenta sua recto pergent itinere, oneraque sibi imposita bene ferant, quam ut ipsis charus sit, piusque & commodus ab eis dominus habeatur, aut eorum vehatur laudibus, ipsaque cum illo bene convenient. Hac namque ratione accidit, id quod saepius usuvire solet, ut domini in jumenta vel asinos, & jumenta in dominos abeant, quando domini ratione ac moderatione, vel discretione ita, ut oportet, non utuntur: & hoc ipso jumentis latiora captandi spatia, se-

sé-

séque amplius, quām deceat, extendendi occasionem præbent: sicque paulatim eò assuescunt, ut non aliò ausint ea domini ducere vel age-re, quām quò ipla velint. Quòd si ea extimulare aut cädere velint, retrocedunt, & calcibus feriunt. Tum verò si onera abjicere, vel cum ipsis oneribus penitus ea corruere nolint, conniveant necesse est Domini, sicutque, quæ velint, ferre onera, & quā velint, progrexi: sicque ipsi jumentis parere ac obsequi cogantur. Ita nimirum, Soror mea, etiam mihi eveniret, si meis affectibus indulgeri, meque voluptatibus & gau-dio affluere contingeret. Atqui is, qui me probè diligit, arguit & castigat me, ne pateam ignominia, penitusque peream, atque ex amore, quo me prosequitur, optans servare animam meam, corpus meum malè tractat. Neque ipsa aliter, quām jumentum, tractari peto. Aliàs verò eadem vita Superbia, sub

In-

Invidentiæ specie ad me accedens,
ait: En! huic id demandatum officij
est, illud illi: mei verò nulla habe-
tur ratio vel cura. Alia Præfectæ,
alia Sub-Præfectæ, alia Procuratri-
cis fungitur munere: & alia deniq;
à secretis est: me verò pro nihilo
ducunt, quæ nec ætate, nec boni-
tate illis inferior sum. Mihi, in-
quam, nulla committitur functio
publica, quò cæteris imperem: sed
semper esse me cogunt ceu ancillam
culinariam, imò ne id quidem,
sed ancillam ancillarum omnium,
quando nihil meæ fidei commis-
serunt. Atque ut jam probè experior,
qui plus facit operis, ei minor ha-
betur gratia. Unde posthac nequi-
ter ac improbè me geram. Qui
enim ovem se fingit, devoratur à
lupis. Id genus multa mihi propo-
nit, perinde ac si mihi cognita non
sit, neque unde eæ proficiuntur
querimoniaz, compertum habeam.
Respondeo autem illi: Non eo con-
filio

filio, soror, mundum reliqui, atque ad hanc me sodalitatem contuli, ut ipsa aliis imperem ac moderer, sed ut aliorum jussa capessam. Siquidem obedientiam pollicita sum: ideoq; faciam id, cuius causâ hue me contuli, hucque vocata sum, quodque me facturam promisi. Non enim à me rationem reposciturus est DEUS, neque ex me sciscitaturus, quantum aliis ipsa imperârim, aut quantum honore, officiis, functionibus exaltata fuerim, sed uti præceptis illius obtemperaverim: utq; me Majoribus meis sponte submiserim, animoque me abjecerim ac depresso. Ego igitur, soror mea, meo fungar officio, eo loco & ordine, quo à DEO vocata sum: aliasque alia suis in officiis, eis divinitus demandatis, exequi ac curare sinam. Interim hoc unum certissima sum, me eo in statu degere, qui certæ salutis indicium sit. Is est obedientia, submissionis, subjectionis, humili-

li-

litatis status, ex quo nemo potest
excidere, nisi qui meditetur scande-
re sublimius. Atque hinc nulla
mihi conquerendi causa suppetit, sed
potius D E U M Opt. Max. laudan-
di, benedicendi, gratias agendi,
magnificèque exultandi, eò quòd
maximorum periculorum occasio-
nem mihi subtraxerit ac præcluserit,
in quæ nimis honoris & officia
pertrahere ac devolvere solent ho-
mines imperfectos. Quòd facit eti-
am illa D. Augustini sententia: Nul-
la re iram D E I in me æquè expertus
sum ac didici, quām quòd me aliis
præesse voluit. Et id quidem, De-
sideri, mirum tibi videri non de-
bet. Ut enim improba isthæc vir-
go, quæ in ædibus Superbiæ domi-
natum obrinet, ad omnem maliti-
am cæteris propensior est: ita ad eam
profligandam majori astutia, robo-
re, exercitatione opus est. Et ne
te nimium protraham, non jam le-
vicula quædam commemorabo: sed

com-

compendiarium quoddam ac gene-
rale tradam remedium , quo tum
omnes , tum singulas hafce nefarias
virgines superare queas. Ubi ali-
qua earum , qualisqualis ea sit , ad
te cum querimoniis venerit , meum
imiteris exemplum. Verbi gratia:
Dum Concupiscentia carnis queri-
tur , parùm escæ , idque frigidum
ac malè præparatum , sibi porrigi ,
aut vinum acidum esse , atque intra
domum res non satis ordine geri ,
ita illi respondeto : Qui plus habet ,
quàm meritus sit , non habet , quod
queratur , Tu verò nec filigineum
panem , aquámque frigidam mere-
ris , quod etiam Sancti de se sense-
runt ac professi sunt : siquidem & ita
se rei veritas habet . Tu igitur , quæ
tam improba , deses , fastidiosa ,
garrula , omnis devotionis expers ,
inconstans , atque DEO ingrata es ,
nec panem ipsum & aquam mereris .
Quod cùm ita sit , & tamen nihilo-
minus bonum panem , bonum vi-
nuin ,

num, obsonia, cibumque habeas,
quid est, quod queraris, quando
plus habes, quam digna sis? Eun-
dem in modum respondeas illi, dum
ob vestes & calceos murmurat. Atq;
eadem satisfactione utere etiam ad-
versus Concupiscentiam oculorum,
dum haec atque illa habere appetit,
dicasque illi: O te miserum! qui
nec minima vita hujus bona mere-
ris: & tamen habes affatim libro-
rum, ex quibus, modo velis, possis
probus ac integer effici, licet alio-
qui vel unus sufficiat codex: atque
insuper habes libros orarios, & alios
perplures. Quid præterea requiris?
En! hoc ipsum, quod sub specie ne-
cessitudinis appetis, superfluum est
ac singulare, & voto paupertatis spi-
ritus contrarium. Et licet non peni-
tius violet & frangat, attamen vir-
tutis meritum debilitat ac imminuit.
Atque hoc ipsum ei, qui se Christi
J E S U pauperem profitetur, in-
gens probrum ac ignominiam ad-

du-

ducit, minori scilicet virtute esse
præditum, quām fuerint Ethnici,
cultores dæmonum, in quibus Se-
neca egregius dux ac signifer præcla-
ræ ac memorabilis paupertatis fuit,
uti ejus gesta testantur. Hæc eadem
etiam tertiae virginis, puta Superbiæ
vitæ, respondere soleo, ubi ea ad
me venit, honorari, atmari, ali-
quo in numero haberi, præterri,
officiis affici cupiens. Aio namque
illi: Misera, plus honoris adeptæ
es, quām digna sis, modò id pos-
ses agnosceré. Anne cum damnatis
in profundum tartarorum relegari
merita es? Et tamen vide quid ho-
noris consecuta sis à D E O, dum te
non solùm inter creaturas suas tole-
rat, sed & in suam domum & fa-
mulum admisit, voluitque te inter
famulas & domesticas, imò inter fi-
llias suas numerari. Et licet digna
non sis, quæ vel inter ancillas ejus
numereris, tamen in Cubiculariam
suam te adscivit, vultque te noctes

at-

atque dies tecum esse, cum ipso colloqui, ipsum laudare, ipsum benedicere, atque etiam, ut in hac mortali vita Angelico fungaris officio, ejusque specialis amica sis, ejus mentem assideas, eodem quo & ipse, cibo vescaris. Et quid superba vis amplius? Quò moliris scandere? Visne rursum ascendere eò, unde cecidisti, uti tantum demergaris in profunda infernum, quantum ipse Lucifer pater tuus? Quid tibi vis ultrà? Visne D E U S esse? Nihil sanè misera, deest tibi. Aperi occæcatos obtutus, & agnosce tandem plura tibi suppetere, quām pro meritis ac dignitate tua. Sufficient ea tibi, quæ præstat tibi D E U S, contentaque esto eo gradu & conditio-
ne, quam per servos suos tibi assignavit: certūmque habe, nihil fieri absque ordinatione Di-
vina.

Qui-

*Quibus rationibus cætera
virgines improbae superande
sint.*

CAPUT XII.

IAm ubi tres istæ præcipuæ debellatæ sunt, facile nutrix earum, puta Negligentia, superatur: quæ quidem in has ædes per mille foramina irrepit. Nonnunquam ad preces matutinas, alias ad labores subintrat. Sed hoc à me semper responsum accipit: Soror mea, non ea sententia jumentum in ædibus servatur, ut vacet ocio, vivatque molliiter, delicate edat & bibat, & somno indulgeat: sed ut noctes atque dies summo studio hilariter, alacriterque laboret. Nisi enim laboribus, jejuniis, vigiliis edometur, facile insolescit, erigitque sese & calcitat adversum dominum suum. Qui cùm advertit, quodam illud torpore

pore ac inertia contrahi , calcaribus illud urget. Ita & mihi DEI Amor calcar admovit , nempe Timorem , quo me extimulat. Atque adeò ipsa ego , quæ hujus Castri famula & miserrimum mancipium sum , abundè perspectum habeo , servas non nisi ad labores adhiberi , neque quemquam eas miserari , neque levare eis onera , sed nec delicate reficere debere , ne efferantur animo , atque calcitrare incipient. Nemo enim mortalium pejor est improbo captivo. Deinde etiam percontari soleo , puténe regna cælorum edendo , portando , diu stertendo , & dissolutè ac molliter pro suo arbitratu vivendo , posse obtineri? Non potest id quidem affirmare. Nam ipsum caput nostrum Dominus J E S U S hâc non perrexit viâ. Quòd si is ad obtainendam beatitudinem hanc noluit amplecti viam , sed oportuit eum pati , atque ita intrare in gloriam suam , & nos itidem , si eandem velimus adipi-

D Ici

Sci gloriam, crucis, perpessionis &
paupertatis calcemus iter necesse est.
Enimverò dum pes aliò nititur, atque
aliò caput, nunquam corpus aduna-
ri poterit. Itaque nisi perpessionis,
afflictionis, laboris, contemptū
teneamus iter, neutiquam illi in-
corporabimur: sed ut membra pu-
trida præcidemur, atque in flammis
tartareas demergemur. Nisi, in-
quam, Christi crucifixi socij simus,
cumque in cruce quæramus, eiique
compatiamur, utique nec gloria &
resurrectionis ejus participes erimus.
Nisi denique Christum JESUM fla-
gellis casum, consputum, despe-
ctum, laboribus ac fatigationibus
confectum, inopein, fame ae siti la-
borantem, & mortis supplicium
periferentem, ac latronis instar &
scelerati cuiusquam crutifixum, cum
tamen omnis esset culpæ ac maculæ
expers, adeoque innocentissimus,
per tentationes in carne nostra non-
crimus experti: minimè sanè eun-
dem

dem ipsum dulcem, amicabilem,
blandum, Regem gloriæ, & Prin-
cipem pacis sentiemus. Interdum
impura isthæc virgo, Negligentiam
loquor, in Oratorium irrepit, ibi q;
defessa magno tædio, dolore & tor-
pore laborat, perinde ac si in carce-
rem conjecta sit. Tumque aio illi:
Soror mea, vera religio nihil mo-
lestiæ, nihil tædij sentit. Quæ re-
sponsio non parùm mihi conferre so-
let, quemadmodum & isthæc altera:
Quid retribuam Domino pro omni-
bus, quæ retribuit mihi? Quid vel
agere vel perpeti potero, quo dul-
cissimo JESU meo vicem rependam?
qui nimirum ex immenso amore
propensaque voluntate perseveravit
in cruce, non sedens, neque pro
suo arbitrio & desiderio, ut ego, sed
in ea distentus: neque indutus ve-
stibus, sed planè nudus, & præ fri-
gore totus tremebundus: non oper-
tus tecto, quemadmodum ego, sed
sub dio: non liber & expeditus, mu-

D 2 nī-

nitusque pedes foccis vel soleis , neq;
sculponeatus , sed immanibus , cras-
sis , frigidis , ferreis confixus clavis :
atque hæc omnia meâ causâ perpe-
sus. Cur igitur etiam ipsa illius
causa , si non omnia , saltem quid-
piam ferre nolim ? Ille scilicet tantâ
animi ac voluntatis promptitudine
mea causa non unam horam , neque
diem aut noctem unam , sed annos
tres & triginta vitæ hujus ingentem
miseriam atque molestiam perpe-
sus est : tribus horis in cruce maximis
in doloribus , tormentis , cruciati-
bus , cuiusmodi nemo unquam sen-
sit , vivus persttit : & tamen parum
hæc illi videbantur , ob inestabilem ,
quo me complectebatur , amorem
ac benevolentiam : libenterque plu-
ra pertulisset , si ita poposcisset ne-
cessitas. Cùm ergo ipse rex sit , ego
vilissima ancilla : ipse DEus , ego
latum , pulvis & putredo : ipse san-
ctus & innocens , & ego grandis pec-
atrix , omniisque supplicio digna : &

ta-

tamen tanta propter me facere & perpeti dignatus est, ergo saltem parum aliquid illius causâ non faciam? Num servus major est Domino suo? Ergo nunc apage te hinc soror Negligentia. In iis enim, quæ patris mei sunt, oportet me esse. Non magnum est nos hîc esse, si non absque tædio & mœstitia hîc simus. Atque etiam sine iis hîc esse, perexiguum est, nisi cum bona voluntate & spirituali gaudio conjunctum sit. Maledictus enim, qui facit opus DEI negligenter. Non enim peti coacta & extorta servitia ac sacrificia, sed quæ ex hilari ac libenti voluntate & corde, rectoque ac sincero animo profiscuntur. Hâc porrò vetulæ execribili ita demum profligatâ, cæteras ancillas planè fatuas, ut expugnemus, oportet. Quæ quantò sunt deteriores ac nequiores, tantò motus earum vehementiores ac actiores sunt: quantóque minus extinctæ si-
ye edomitæ vel mortificatæ sunt, tan-

D 3 tò

tò ægriùs corriguntur. Ex his pri-
ma, cuius vocabulum est Malitia,
dum ad me venit unà cum filia sua
Iracundia, me invadere cupiens,
hoc pæsto illi respondeo: Charitas
patiens est, benigna est: & cum Pro-
posito meo, id est, marito meo,
eam pessum premo, dicens illi: So-
ror mea, iumento huic nihil accide-
re potest, neque tanta vel verbis,
vel factis irrogari queunt, quin plu-
ra mereatur. Si ergo plus mali eme-
rita sum, planè parcitur mihi, dum
non tot affiçior malis ac molestiis,
quot ipsa digna sum. Decet nimi-
rum iumentum domesticum, domi-
no suo, aut filiabus ejus & familiz
non molestum, protervum aut tu-
midum, sed quietum, modestum,
ac mansuetum se præbere. Nam
etiamsi hodie flagellis cædatur à do-
mino, attamen die crastina commo-
dum ei præstabit pabulum, ipsumq;
bene habebit. Et licet nullum in
ipsum declaret amorem, ex animo

ca-

tamen diligit : sed ne insolescat , aut
sibi præfidat , amorem suum interim
dissimulat . Jumentum quoque do-
loris ac molestiæ ipsi irrogatæ , facilè
obliviscitur , dominoque suo capit is
aut colli applicatione blanditur . Sic
planè etiam ipsa , si quid molestiæ à
virginibus nostris perpessa ero , cùm
earum sim mancipium , & vilis an-
cilla , ob Amorem DEI feram equi-
dem ac lubens , ut pro suo arbitratu
mecum agant : certa nimirum , tot
me ex eis mala accipere & perpeti
non posse , quot commeruerim :
Dominumque meum propter pecca-
ta mea , ut ab eis affligar , permit-
tere , quò me in hac vita purgatam
efficiat , atque etiam ut suâ causâ di-
scam adversa pati . En ea virgo ,
quam tu malè mihi cupere , ea quo-
que , quam clanculum de me maledicere , itemque illæ , quibus me pror-
sus invisam ais , non necam odio ha-
bent animam , sed vitia , culpas , de-
fectus , malitiam , pravos mores &

D 4 pro-

propriam voluntatem meam. Unde mihi merito amore prosequenda veniunt. Siquidem optimo sanctoque fervent proposito ac instituto, ingentique zelo, nec quidquam eis cum Malitia consensionis aucta commercij est: neque eam putant cum virtute commorari posse. Agè igitur rem proprius inspiciamus: siquidem DEI ancilla sum, jure mihi sorores, immunditia, culpæ, defectus, pravæque propensiones meæ odio habendæ sunt. Cur igitur illis malè velim, quæ id agunt, quod mihi facere incumbit? Vis finem faciam, teque hinc repellam? Noveris, eas, quæ mihi obloquuntur ac detrectant, aut mala inferunt, nihilominus sorores meas esse. Quòd si sorores meæ sunt, jubeor eas diligere, neutiquam odisse. Hac igitur ex causa, faciam, quod iussa sum. Interim tamen ipsæ viderint, quo confilio, quâve intentione me affligant. Ubi verò aliam secum ad-

du-

ducit ancillam , puta Invidentiam , quæ gladio utitur anticipi , dum sororum tam corporalibus , quam spiritualibus torquetur bonis ac virtutibus : estque revera pernicioſa & pestilens admodum , quippe quæ ex proximi rebus bonis & secundis perit ac moritur , malis vero lætatur ac reviviscit : hanc ergo dum sibi comitem adjungit , aio ad illam : tu quidem soror affirmas , alias in hoc mundo majores opes , insigniorē pulchritudinem , aliaque naturæ dona copiosius , atque ego sim , esse consecutas . Atqui hoc ipso , quod talibus careo , lætor : meque feliciorem puto . Neque enim vel in hac , vel futura vita quidquam extra J E S V M meum peto . Is meus & omnium Angelorum thesaurus est : Is meus & omnium creaturarum decor & pulchritudo est : Is denique meum lucrum est , & fons totius boni . Amer cætera cuicunque liber , quantum ad me attinet , equidem

D 5 ni-

nihil nisi dulcissimum J E S U M
meum, ejusque amorem expeto.
Apud eum nulla est divitis aut ino-
pis, nulla formosi aut deformis dif-
ferentia: sed animi humilitatem re-
spicit. Et tamen tu h̄ic mihi com-
memoras, alias his atque illis abun-
dere bonis, eisque non mihi, hac
atque illa pr̄estari. Contrà verò ego
aio: Tametsi his illæ omnibus afflu-
unt, atqui plus ipsa habeo. Si-
quidem ita generoso, magno ac
pr̄stanti sum animo, ut amore
meū hujusmodi tam vilibus, abjectis,
caducis rebus, ut sunt bona tempo-
raria, adhiberi & irretiri indignum
putem. Et quia Humilitatis mihi in-
ditum est vocabulum, humilitate te
vincam. Sentio igitur ancillas & fi-
lias D E I isthæc jam dicta, pluraque
alia, jure meritoque habere: me
verò minimè, quæ serva sum & man-
cipium, hisque omnino indigna.
His auditis, mox aliò se vertit, nem-
pe ad Invidentiam donorum spirita-
li.

lum, quibus præditas novit sc̄t̄ores meas: quæ ita suggestit animo: En illa, quām tu sis, pietati addic̄tior sive devotior est & quietior, plusque orat D E U M , magisque intrō recepta est, & contemplandi peritior, majorique sobrietate conspicua. Cui respondeo : Agè ex xquo & bono statuamus. Quamobrem multò esse religiosior, aut gratiam orandi, cæterasque virtutes appeto? Eone, ut me alij meliorem putent, me suspiciant, me laudibus celebrent, me venerentur? Aut eò potius, ut lau- tior cibus, cultiores vestes, aut aliæ res temporariæ mihi præbeantur? Minimè sanè: sed eò duntaxat, ut D E O serviam, D E O que placeam: atque ut dulcis J E S U S meus ex me & in me laudetur, & gratiarum actione afficiatur. Meritò ergo sum moperè gaudere me convenit, dum amantissimum Dominum meum tales & famulas & amicas habere conspicio, quæ ita sint pietati deditæ,

D 6 tan-

tantaque præditæ vitæ sanctimonia,
atque eum pio cordis amore prosequantur. Adeoque potius mihi obsecrandus est D E U S , ut pluribus
eas donis, uberiorique gratia augeat & cumulet, quò possit ab eis majori laude ac honore affici. Agè, si
vel tenuis in me erga Dominum
D E U M meum ineslet amor, nónne
cumprimis optandum mihi foret, ut
abs toto agnoscatur, ametur, ho-
noretur Mundo, gratiamque singu-
lis, quâ id præstare queant, cum
cæteris donis spiritualibus largiatur?
Itaque recede è conspectu meo male-
dicta & execrabilis. Nescis planè,
quid sit Amor: quandoquidem im-
probi illius, ingrati, perfidiosi apo-
statæ ac desertoris filia es. Equi-
dem vellem D E U M ac Dominum
meum cunctis me tum corporalibus,
tum spiritualibus mihi ab ipso colla-
tis nudare donis, eaque conferre
aliis, qui illis ipsis majori eum ho-
nore ac amore prosequerentur, atq;
ipsa,

ipsa, quā terram sine ullo fructu occupo, ejusque gratiam inaniter & in vacuum recepi. Nihil enim nisi honorem & laudem Domini mei appeto, idque licet maximo mihi constare debeat, vehementer desidero. Vide jam, quām miserè sis decepta. Anne cernis, quām probè nōrit DEUS, quid agat? Bene utique perspectum habet, isthac vascula, quibus sua infundit dona, puriora humilioraque esse. Itaque ea ex causa mihi hujuscemodi non præsttit gratiam, quod me impurum, putidum, superbum, irā ac malitiā plenum vas esse non sit nescius, quodq; ex animi elatione mox in ipsum scandere cælum velit. Unde etiam satis voluntate Domini nostri J E S U CHRISTI, non aliqua alia re, contenta sum, nec quidquam præterea appeto.



Qui-

*Quibus modis malitia omnis
prorsus profliganda sit.*

CAPUT XIII.

Tertia Malitiæ filia, Acediæ nomen habet, quæ reverè pessima est, quando ad res spiritales, eaque, quæ ad D E U M pertinent, in quibus tota salutis nostræ summa consistit, maximè friget & nauseat. Huic ita solita sum dicere : Velles quidem soror, ne modò ad obsecrandum D E U M, aut alia peragenda exercitia spiritalia pergerem. Atqui hoc solo nomine, quo te elidam ac superem, jam majorem etiam orationi, vigiliis, Missarum auscultationi, ac devotæ contemplationi návabo operam. Quod ubi illa cernit, sic mihi loquitur : Vidésne jam quodam te constrictam frigore, nullamque sentire devotionem, contraquæ mentem & animi tui sententiam te pre-

precaturam, quod iram potius D E I
provocare solet: nec aliud est, quām
tentare D E U M, qui non coacta,
neque ex tristi vel invito, sed hilari
ac voluntario profecta corde servitia
expetit? Quibus ita respondeo:
Abi hinc soror, capio quid velis;
noveris, me id temporis majorem er-
ga DEUM declarare amicitiam, dum
propriis illi sumptibus milito, quām
ubi ingenti me devotione afficit.
An ignoras subinde D E U M gra-
tiam & dulcedinem suam idecirco re-
trahere, ut vires exploret nostras?
Cumque virium nostrorum faculta-
tem sibi nos offerre atque impende-
re, quodque in nobis est, facere
conspicit, per gratiam suam etiam
duplo majorem infundere consola-
tionem; ita tamen, si interna sensi-
bili destituti gratia, bonam volun-
tatem, rectamque rationem & desi-
derium non abjiciamus? Quod igitur
percontaris, cur tam frigida &
devotionis expers ad orandum me.

con-

conferam, quando (ut ipsa ait) id
est tentare DEUM, certum habeas,
etiamsi multò frigidior, minusque
devota forem, me nihilo taciūs ora-
tum abituram, atque in Domini mei
conspectu permansuram, nec dictu-
ram illi aliquid, nec quidquam ab
ipso expetituram, sed tantum coram
ipso assistendo, honorem ac rever-
tentiam illi habituram, cogitando
eum illic præsentem adesse, meoque
contemplari, atque coram præcelsa,
tremenda, Divina illius Majestate
me assistere. Ipse verò, cùm sit amo-
ris ignis, ubi visum illi erit, cor-
meum facilè inflammabit. Quare
meam illi voluntatem penitus per-
mittam, ejusque voluntate contenta
ero. Deinde, quantò me frigidio-
rem, infirmiorem, imbecilliores, minusque
devotam sentio, tanto ad
ignem magis accedendum mihi est.
Nam si inde abscedere velim, id qui-
dem deterius erit, quandoquidem
majus me frigus occupabit. Itaque
fu-

fuge misera. Enim verò preces, de-
voias contemplationes , cæteraque
spiritalia exercitia non ob mei con-
solationem , aut dulcedinem , gu-
stumque capiendum expeto, aut assu-
mo , vel magnipendo , sed eo dun-
taxat nomine , ut serviam D E O ac
Domino meo , quando voluntatem
illius eam esse non ambigo , ut ita
faciam , ad ejusque honorem & lau-
dem cunctis in virtutibus , omniq;
sanctimonia me exerceam. Iibi
igitur improba isthæc virgo hisce ra-
tionibus & adminiculis me ab amo-
re Domini mei abducere ac abstrahe-
re se non posse animadvertisit , verso
folio , à consodalium mearum dile-
ctione revocare & avellere me cona-
tur : moxque aliis duabus sibi adjun-
ctis novitiis , quarum suprà memi-
nimus , puta Suspitione & Temera-
rio Judicio , me aggreditur , atque
ut sorores meas sive sodales animo
despiciam , ac malè de illis sentiam ,
nihil non eorum mihi ingerit , unde
vel

vel malè suspicari, vel temerè judicare queam. Ex his autem sequitur murmuratio, contemptus, & obtrectatio. Atqui evestigio ipsa cum sancto Proposito meo advigilans, hoc illi responsi dare soleo: Non decet vilissimam ancillam sive mendicantem, de hinc virginibus & dominabus suis malè suspicari: neque peccatores æquum est attrectare sancta, neque bestiæ montem sanctum contingere licet. Cæteras quidem virgines omnes pro bonis & sanctis, me verò improbam & peccatis obnoxiam habere convenit: siquidem exploratum non habeo, cuius inodi sit una quælibet coram Deo, aut quo fine diem sit clausura extremum. Me verò utcunque novi, nec me fugit, quo me appetitionum vel affectuum, itemque malitiæ ac propensionis meæ malæ pedes abducant, nempe ad Tartara, nisi me divina misericordia suâ ope servet ac tueatur. Satis igitur supérque habeo,
quod

quod de me ipsa verear ac suspicor,
obseruemque & explorem, num co-
gitationes, verba & conscientia mea
bona sint: siquidem me novi, cæ-
teras nescio. Quod igitur ad soda-
les meas attinet, eligam id, quod
tutius est, id est, optimè de illis opi-
nabor ac sentiam, certa nimirum,
hac re nullam me jacturam, immò
verò etiam lucrum facere posse. Ma-
gni verò periculi est, tuo obtempe-
rare consilio, atque certum pro in-
certo dimittere. Charitas malum
non cogitat. Evidem sat negotij
habeo, meam ut conscientiam, co-
gitationes, facta & affectus judicem
atque discernam: & his me potius
intentam esse oportet: non autem
sinistrè de aliis suspicari. Quis enim
inter DEUM & sodales meas, aut
inter ipsis & earum conscientias me
judicem constituit? Nemo sanè. Igi-
tur apage te hinc. Est enim qui quæ-
rat & judicet. Quid habes præterea
quod proferas? Jam planè victa es,

quod

quod ad iniquas attinet suspiciones tuas , quæ reverè res diabolica ac impiæ , sanctæque simplicitati , cuius habitator est D E U S , cum quo nemo labi potest , prorsus adversæ sunt . Quòd si quis affirmare velit , suspiciones in Prælati aut Superioris animum posse admitti , jamque dictum remedium contra id non sufficere , is pro certo habebit , magna prudenteria , multaque solertia ac ratione pervigili hac in parte eos habere opus , ac uti debere : idque hac ex causa , quòd , uti quotidiana probat experientia , si quis de sua conjugi male suspicetur , eaque id comperiat , etiam si antea honestissima ac integrissima fuerit , ad omnem sese improbitatem ac infidelitatem transferre consueverit . Unde Seneca : Suspicio , ait , multos peccare fecit . Cùm igitur in his superata sis , quam obrem ais facta vel opera earum mala esse , cùm bona fortassis sit mens & intentio : aut incogitato , seu impru-

C A P U T X I I I . 91

prudenter, vel ex ignorantia, aut humana fragilitate, aut primo motu, aut aliquo defectu vel vitio naturali facta forte sint? Atque in iis omnibus nullum certè odium, aut stolidum est adhibendum judicium, sed magis excusanda sunt & ferenda, atque ob amorem DEI condolentia ac commiseratio impendenda. Quod si nec ita me agere finis, quod fortassis aperta sint mala, jam respondeo, occulto DEI judicio permisum, ut fierent: cuius quidem providentia, cuncta, etiam nostrum excedentia captum, disponuntur ac diriguntur. Ut igitur ex sua parte nunquam desinit in nobis bonum operari, ita etiam ejusmodi mala fieri aliquando sinit, quæ tamen vel in illius, qui lapsus est, vel aliorum id cernentium, bonum utilitatemq; convertit. Cave jam quidquam hinc amplius loquaris. Qui enim alios judicare instituit, is quod DEI est, sibi usurpat, vel ipse DEUS.

esse

esse molitur. Atqui cernas misera,
quid patri acciderit tuo , quando
DEO similis esse voluit. Prætereà
Jumentum non cā malitiā est pra di-
tum , ut de aliis gregalibus jumentis
sinistras admittat suspicione s , aut
eorum facta judicet, sed in ea dun-
taxat cogitatione versatur , ut suo
gradiatur itinere , suum ferat onus:
neque curæ est illi , utrum aliquod
ex sociis jumentis alicubi hæreat , aut
erret ex itinere , sed ea tantum, quæ
jam præcesserint , subsequi , atque
etiam sancta quadam æmulatione
antervertere ac prævenire appetit:
quod si non possit , suo pergit gradu,
nihil interim nisi se attendens: ne-
que etiam retrocedit, neque quie-
scit , nisi pauxillum . quò possit ala-
crius progreedi , neque murmurat,
neque vel hero suo , vel aliis oblo-
quitur aut detrahit. Quando igitur
ipsa me jumentum feci, amore DEI,
Jumenti instar me geram, oportet,
nihil nisi me solam attendens.

De

De cæteris Humilitatis
Exercitijs.

C A P U T X I V .

D E S I D E R I U S H U M I L I T A T I S E X E R C I T I A
secum admirans, ait ad eam:
D E S I D . Jam planè certus sum, Do-
mina Mater, quod alias audivi, sed
necdum expertus eram, Humilita-
tem in sese omnem justitiam, virtu-
tem, pacem, quietem, spiritalem
ac temporariam consolationem, con-
tinere. Obsecro tamen, dubium
quoddam, quod interim mihi hac
in parte incidit, dissolvere ne gra-
veris: id videlicet, anne improbas
haïce virgines, dum huc ingredi-
untur, probè semper cognitas ha-
beas, atque utrùm sese aliis admi-
scant, eodemque habitu, quo tuæ
virgines, sese contegant: quîve
eas tum nôsse queas? H U M I L . Ma-
gni sanè momenhi isthæc quæstio est,
fili

fili charissime. Noveris itaque, Di-
vinam bonitatem in medio cubiculi
lampadem suspendisse, vocabulo Bo-
nam Conscientiam, eamque noctes
atque dies oleo Misericordiae ejus &
sacrae Scripturæ Ellychnio incensam
ardere. Porro lampas ista resti qua-
dam, nomine, Cordis Custodia,
ad clavum quendam, dictum Cu-
stodiam sensuum, alligata est. Quam-
diu autem Lampas eadem ardet & in-
censa est, nihil eas formidamus,
quippe quas actutum agnoscimus.
Et licet probis sese admisceant virgi-
nibus, earumque vestibus se indu-
ant, tamen ex incessu eas deprehen-
dimus. Enimvero humeris incur-
væ sunt, & gressibus claudicant ac
vacillant, gibbumque gerunt, ita
ut neque celeriter, neque pro suo
voto rectè ingredi queant. At vero,
mi fili, dum lampas hæc nostris vitiis
extinguitur, aut nostra incuria cla-
vus excidit, vel restis rumpitur, vel
Dominus noster oleum subtrahit,

(quod

(quod quidem nunquam facit, nisi
nos id prius effundamus) jam ma-
nemus in tenebris, cunctaque no-
bis male cedunt. Atque eam ob-
tem perpetuo Dominum obsecra-
mus, ut lucernam nostram illumi-
net, dicentes cum Propheta David:
Quoniam tu illuminas lucernam
meam Domine: DEUS meus, illu-
mina tenebras meas. DESID. Gra-
tiam & charitatem suam praestet tibi
DEUS, quandoquidem spiritum
meum consolata es. HUMIL. Has
tibi virgines comites adjunge, ut
initio tecum eant, donec vero timo-
re propè induitus ac imbutus sis, ut,
si improbae virgines illæ tibi forte
obviām venerint, odium ac invidi-
am in te suam declarare non ausint,
neque ex nostris manibus eripere te
moliantur. En habes hic Severita-
tem adversus primam, Carnis Con-
cupiscentiam: Strenuitatem con-
tra alteram, Concupiscentiam ocu-
lorum: Humilitatem adversum

E ter-

tertiam, Vitæ Superbiām : Diligentiam contra quartam, Ineuriām vel Negligentiam : Benignitatem sive Bonitatēm adversūs quintam, videlicet Malitiām. Gratia DEI sit tecum.

*De virtutibus, jam dictis
Humilitatis filiabus.*

CAPUT XV.

HUMIL. Hac videlicet ratione, omnipotentis DEI gratiā, & antedicti conjugis mei freta auxilio, inimicas meas atque adeò meipsum supero. Desiderius hujuscemodi sermonibus affatim recreatus, ait ad illam: DESID. Quæso, Domina Mater, cum bona venia tua liceat mihi virginēs invisere, atque intrare familiaritatem. HUMIL. Agè verò, eas, fili, divina munītus benedictione : equidem ac h̄bens

bens hujus rei potestatem tibi facio.
 Tu interim Domūs hujus Procuratrix , illum comitare per totas has
 aedes , atque in cunctarum domicilia
 vel cubicula Virginum eum deduci-
 to. His dictis , Desiderius animo
 latus , ex Dominæ sive Superioris
 cubiculo cum jam dicta virgine , cu-
 jus vocabulum est Nihilipensio , quæ
 Domūs Procuratrix & Novitarum
 Magistra erat , abscessit , ductusque
 est ab eadem in cubiculum virginis
 cuiusdam , quæ Humilitatis prima
 & senior filia erat , nempe Confes-
 sionis. A qua perbenignè exceptus ,
 ubi apud eam resedit , ait illi : DESID.
 Obsecro , soror mea , vitam & con-
 ditiones tuas mihi edissere. CONF.
 Dicam , filia sum Humilitatis , atq;
 optimæ hujus Procuratricis discipu-
 la , cui me frequenter adjungo ,
 ejusque delector societate & confue-
 tudine , ex animo agnoscens & con-
 fitens quænam sim , talem videlicet ,
 qualem ipsa me agnosco & tentio.

E 2 De-

Desiderius primam hanc virginem
haud vulgaris comperit esse virtutis,
eo quod simulationem & vanam glo-
riam haberet exosam, sicque ab ea
recessit. Mox à Procuratrice ductus
est in cubiculum alterius filiae Humi-
litatis, cuius vocabulum est, Appen-
titio contemptus. Quæ itidem fa-
miliariter eum excipiens, jussit se-
cum residere, dixitque ei Desideri-
us: Precor, mea soror, nomen, vi-
tam, & conditionem tuam mihi si-
gnifiques. VIRGO: Nomen mihi
est Appetitio contemptus, nihili-
pensionis, abjectionis, & à nem-
ine velle honorari aut alicujus pensi
haberi. Mirabatur impensè Desi-
derius, audiens hanc virginem usq;
ad eo sui contemptum desiderare,
quando id ab hominum usu & con-
suetudine prorsus abhorret. Sen-
tiebat autem virginem eam esse vir-
tutis eximiæ, eo quod ob Amorem
DEI id appeteret. Itaque illi vale-
faciens, à Procuratrice in tertiacæ Hu-
mili-

militaris filiæ cubiculum introductus est, cuius erat vocabulum, LÆTOR DUM DESPICTOR, sive GAUDEO CONTEMNI. Quæ similiter hilari animo eum suscepit, eiique cùm assedisset, sic eam affatus est: DESID. Precor, charissima virgo, de nomine, vita, conditione tua certior rem me reddas. VIRG. Evidem me contemni, premi, derideri, ac nihilipendi lætor, idque ob Amorem DEI. Stupens Desiderius hujus virtutem virginis, ait illi: DESID. Dic mihi, oro te, soror, quibus modis virtutem hanc tuam adipisci potero. Siquidem hujus planè diversum in me sentio. Dum enim male tractor, despicio, vilipendor aut vituperor, non solum non gaudeo, sed tristor etiam, atque perturbor. VIRG. Hujus ratio est, quod humilitatis expers es, quæ id habet, ut sese quis nihilipendat, ac ob Amorem DEI contemnat, & ducat pro nihilo, signumque hoc evi-

E 3 dens

dens est, privato amore, magnaq;
 superbiâ, & ingenti tui existimatione
 plenum te esse. Attamen quando
 in has ædes à DEO adductus es, vir-
 tutes omnes hîc te docebimus, ve-
 terique hac pelle abstractâ, novum
 ac planè alium, quâm sis modò, ho-
 minem te efficiemus, atque ut cum
 DEI Amore colloqui possis, tete
 præparabimus: nam alioqui oleum
 ac operam perdideris. Itaque si vir-
 tutem optas adipisci meam, necesse
 est, hanc meam sororem, nempe Ap-
 petitionem Contemptûs, quam an-
 tè vidisti, cordi tuo tenaciter impri-
 mas, s̄epiùs ita cogitando, tecumq;
 statuendo: Deinceps contemni vo-
 lo, atque etiam desiderare vilipendi,
 derideri, contumeliâ affici, duci
 pro nihilo. Hoc in corde tuo fixo
 desiderio, deinde oratione, studio,
 labore, non quidem repente, sed
 sensim, virtutem meam assèquēris.
 Et licet initio adversus sensitivam
 portionem sive sensualitatem collu-

ctan-

enob

e d

stanto , laboris ac molestia pluri-
mum sis toleraturus , attamen per-
severantiâ victor evades : adeò , ut
quoties dictum factumve quippiam
tibi erit , quod noles , gavisurus sis.
Atqui vim quandam inferas tibi
oportet , ut ignominiam , contem-
ptum , ludibria appetas. Certum
est enim , neminem , nisi qui justus
sit , humilem esse , & quisquis de-
spici , irrideri , vilipendi , contu-
meliâ affici & abjici non desiderat ,
eum minimè justum esse. D E S I D .
Miror sanè , quod ais , eum inju-
stum esse , qui cuncta hæc non appe-
tat. Qui verò id esse potest ? Ita-
namq; paucos invenies justos , pror-
susque à vero tua mihi dicta abhor-
rere videntur. V I R G . Facile di-
ctorum meorum rationem tibi ex-
plicero. In confessio est , eum ju-
stum esse , qui jus suum cuique tri-
bui velit. Si igitur nihil homini ,
nisi contemptus , irrisio , contume-
lia debetur , injustus planè est , si

E 4 hæc

hæc ipsa non petat. DESID. Velim ista confirmes, planaque efficias, nihil scilicet homini præter contemptum ac ignominiam deberi. VIRG. Faciam id haud ingratis. Extra controversiam est, bonum omne meritò amari, honorari, expeti, inquiri, laudibus vehi debere, idq; eò amplius, quò majus ac præstantius est: atque è diverso, malum omne ineritò nos odiſſe, despicer, respuere, persequi, ac pessum premere debere. Jam si verum est, unumquemlibet hominem malum esse, consequens fit, jure eum contemnendum, & odio ac derisui habendum esse. DESID. Doceas, oro, nullum non hominem malum esse. VIRG. Libens tibi morem geram. Solus DEUS bonus est, ergo omnis homo malus est. DESID. Evidem huic illationi vel consequentiæ non assentior. VIRG. Dialectici hac Ratiocinatione eam tibi probabunt: Nemo bonus nisi DEUS: Ergo quid-

quidquid DEus non est, non potest esse bonum, sed est malum: si autem homo malus est, jure illi omnis ignominia, probra, contumelia, contemptusque debetur.

*Ut Creaturæ omnes bona
sint, & tamen nemo bonus
sit, nisi D E U S.*

C A P U T X V I .

D E S I D . Nimirum hisce rationibus tuis mihi needum satis factum est, dum ait, solum DEum esse bonum, & quod DEus non est, id bonum non esse. Tamen scripta Divina testantur, vidisse DEum cuncta, quæ fecerat, & non solum bona, sed etiam valde bona fuisse. Deinde cum sit DEus bonus, (ut est revera summum bonum, atq; rerum creatarum omnium causa efficiens, fons & origo) bona quoque

E 5 sint

sint oportet cuncta , quæ fecit , uti
opus vel effectus suæ causæ , fonti &
origini respondeat . Unde sequitur ,
quæcunque condidit DEus , ea bona
& optima esse . Porro cum sit Ho-
mo inter creaturas omnes corporeas
longè præclarissimus , perspicuum
fit , non modò bonum , sed etiam
valde bonum eum esse .. Quod si
bonus est , ex tua regula id sequitur ,
honorem , amorem , & cetera
ejusmodi , illi deberi . VIRG . No-
lo tecum longiorem disputationem
ingredi : siquidem id humilitati ad-
modum repugnat , tantum ea , quæ
dixi , fusiūs explicabo , quod rectius
ea capias . Neminem esse bonum ,
nisi solum DEum , ipsius summæ ve-
ritatis in Evangelio sententia est . Id
vero sic intelligendum est , solum
DEum essentialiter bonum esse , eiq;
soli id esse proprium , ut sit bonus .
Quæcunque autem condidit , bona
sunt præstite illis à D E O bonitatis
participatione , non autem ex pro-
pria

pria bonitate. Nam bonitas eorum omnis ex D E O est, non ipsorum propria. Ita ergo dum in creatura bonitatem illam, donaque ingentia ac ineffabilia, divinitus & infusa & communicata aspectas, honorem utique, amorem & cetera ejusmodi, creaturæ debes. Atqui isthæ omnia non in creaturam, sed in D E um ipsum referuntur. Itaque corpus nostrum & creaturæ omnes amandæ nobis sunt, quod in sua essentia bona sunt, utpote DEI creaturæ, quod est D E um amare in ipsis creaturis. Non igitur ex seipso laudari, honorari, charus haberi quispiā appetet, sed ob bonitatem sibi à D E O collatam, id omne in D E um referendo, D E oq; ascribendo. Verum aliud est, quod à D E O, aliud, quod à seipso habet homo. A D E O habet, quidquid boni est in natura sive naturalibus: à seipso vero, quod vitiosum est. Habet à D E O, quod semper illius gerit imaginem; ex seipso autem

E 6 pra-

pravis corruptisque moribus, vita
ac consuetudine malâ, id habet &
efficit, ut DEO dissimilis sit. Itemq;
in moralibus illi à DEO præstum
est, ut bonus ac virtutibus prædictus
esse cupiat: ex seipso verò malum
appetit, vivitque & agit deterius.
Hinc ergo discimus, quæ homini
divinitus collata sunt, ea honore ac
amore esse prosequenda, nempe
conditionem & substantiam, bonaq;
tum naturalia, tum moralia, neque
sua causa, sed ob honorem DEI
amari eum oportere. Contrà verò,
odio habenda esse in eodem, quæ illi-
us sunt, nempe mala omnia, vitia
& maculas: ita, ut diverso fine ac in-
tentione in uno eodemque homine
alia honoremus, alia despiciamus;
alia amore, alia odio prosequamur.
Et quantacunque sanctitate vel pieta-
te ac devotione prædictus sit, tamen
certus esse debet, nihil se nisi omne
malum ex seipso habere, meritoq;
id appetet, ut ob bonitatem ipsi à
DEO

D E O collatam , sive sint virtutes ,
sive dona vel gratia , solus D E U S
& ametur & honoretur , ipsique uni ,
ceu totius boni fonti ac origini ,
omnis honor tribuatur : ob mala
autem , quæ sua esse novit , ipse
contemnatur , contumeliâ afficiatur ,
nihil pendatur , atque apud omnes
in ridiculo sit . Dum sic agit , jam
quidem justus est . Cæterum si hoc
paecto sanctus , pius & justus quilibet ,
ut dignum est , contemni appetit :
quanta est hominis peccatis
ac vitiorum sordibus polluti injustitia ,
non solum istud non appetere ,
sed è diverso honore affici , magnaq;
in existimatione ac veneratione ha-
beri velle ? Non est igitur , ut pec-
cator & immundus quispiam grande
aliquid se fecisse putet , etiamsi ita
contemni ac vilipendi desideret ; nec
propterea se se meliorem arbitrabitur ,
quando etiam sanctus , integer
& justus hoc ipsum desiderare est ob-
ligatus .

D e

De eodem Argumento.

CAPUT XVII.

Virginis hujus dicta haud medio-
criter Desiderio arridebant:
quamobrem ait ad eam: DESIDER.
Pecor, sutor mea, id me instituas,
quibus studiis aut adminiculis hoc
sanctum liceat desiderium adipisci.
VIRG. Duabus rebus id potest ob-
tineri: puta Amore DEI, & sancto
Proposito tete sub cunctis mortali-
bus ceu vile jumentum submittendi
ac abjiciendi, cui Superior nostra
Humilitas nupsit. Quod si dictis
meis morem gesseris, haud vulgari-
ter ad hanc meam capessendam vir-
tutem te senties adjutum. DESID.
Libenter iis, quæ dictura es, ob-
temperabo. VIRG. Ita tibi planè
persuadeas, Amorem DEI, cuius
te usque adeò cupidum ac amantem
declarâsti, nullum capitaliorem ac

in-

infestiorē , magisq̄e contrarium
habere hostem , atque corpus tuum .
Hanc igitur tibi sume consuetudinē , ut semper manē sic anima tuā
loquaris : Agedūn , videamus Anima mea , ut hæc die corpus istud improbum , dulcissimo J E S U Domino ac Creatori tuo inimicum , odio sis habitura , appetituraq̄e , ut contemnatur , divexitur , ac affligatur .
Vesperi autem ita illi dicas : Videamus nunc Anima mea , ut hac die corpus istud improbum , Domino J E S U adversum & rebelle despexeris ac depresso , utque idem ab aliis affligi , contumeliis & probris affici optāris ; itemq̄e ut nihil illi remittere , nihil impunitum dimittere , sed in omnibus severè ipsum persequi conata sis . Hæc si feceris , mi frater , atque in hac cogitatione perpetuò versatus eris , simulq̄e in te desiderium perseveraverit , Domini tui ac Animæ tuæ hostem jugiter persequendi ac profligandi , vēt hoc

hoc unum exercitium ad ingentem
humilitatis virtutem & perfectio-
nem, sublimemque gradum tete per-
ducet: atque inde tui ipsius carnisq;
tuæ tanto accendêris odio, ut ipse te
contemni ac vilipendi petas. Porrò
ubi id evenerit, ut ab aliquo con-
temnaris, mihi meæque virtuti for-
titer inhæreas, summoperè gauden-
do, DEOque laudes ac grates agen-
do, ita dicas: Benedictus D E U S,
qui me modò de hoste meo ulciscitur.
Interea Desiderius ex hujus virginis
sermonibus non minima est consola-
tione affectus: cumque illi vale-
dixisset, à sœpedicta Procuratrice in
alterius cujusdam virginis, quæ &
ipsa Humilitatis erat filia, cubicu-
lum introductus est. Hujus voca-
bulum Simplicitas erat, quæ per-
amicè Desiderium accepit. Atque
ubi sessum se recepere, de D E O
rebusque Divinis ac spiritualibus col-
loquia miscere cœperunt. DESID.
De nomine, virtute, & conditio-
ne

ne tua, mea soror, certiore me
facias, oro. SIMPL. Evidem Sim-
plicitas vocor: officium autem me-
um & actio est, erga quoslibet sim-
pliciter, integrè, sincerè, ratio-
nabiliter, absque illo fuso vel hy-
pocrisi me gerere, atque de omni-
bus, quæ vel visu vel auditu perci-
piam, nihil mali suspicari, sed ita
habere persuasum, cuncta rectè ac
sanctè geri: atque ad minus, quan-
tum quidem ad intentionem attinet,
de nenie, nisi de me sola, opina-
ri malum: siquidem meipsam sem-
per suspectam habeo, meisq[ue] co-
gitationibus & affectibus perpetim
invigilo, semper mihi prospiciens,
dextrumque Sapientiæ vel Pruden-
tiæ oculum teneis apertum, quò &
ipsa malum evitem, & Humilitas
Mater nostra cunctis in virtutibus
tantò sit valentior ac efficacior.
DESID. Quid est, quod audio? Non
erit igitur Humilitas virtute prædita,
nisi ipsa hunc teneas oculum aper-
tum?

tum? SIMPL. Minimè: quandoquidem Simplicitas sine Prudentia, nullius pensi est, plusque officit, quām prospicit. Neminem enim dilit Amor DEI, nisi qui cum Sapientia ingreditur.

*De Simplicitatis moribus
& conditione.*

CAPUT XVIII.

DESIDERIUS. Obsero, mea soror, dicere ne graveris, quo pacto erga unumquemlibet simpliciter tete geras. SIMPL. In tribus ita me gero, puta Cogitationibus, Dictis & Factis. Primò quidem nihil eorum cogitare soleo, quæ meum excedant captum vel intellectum: neque Mundi hujus honores, sublimitates & vanitates aucepior, semper eā in cogitatione perseverans, me cunctarum, quas orbis

bis habeat , virginum longè infimam , atque famularum DEI indignissimam esse: alias autem omnes pias , sanctas , gratiâ & virtutibus locupletes existimans. Deinde planè mihi statutum est , nullis adulatoriis , blandis , fucatis , exquisitis aut dolosis uti verbis , sed simplici duntaxat vel affirmatione vel negatione esse contentam , id est dicere : Est , est: non , non. Nam quod his amplius est , à Malo est , atque ex vitiosa vanitatis radice proficiuntur. Tertiò , nulla singularia , vana , mundana efficere opera decrevi , sed tantùm simplicia , inelaborata sive incompta , utilia tamen & commoda , ne vel ad vanitatem , aut singularitatem me permovereant , quibus ipsa hinc ejiciar & excludar. Enimvero simplicia efficere opera , cordis humilitatem adducit & servat , sed seculis agere , periculorum valde est. DESID. Quamobrem ? SIMPL. Noveris mi Desideri , Superiorem

&

.1191

& Matrem nostram, nempe Humilitatem, huc me adduxisse, idque demandasse mihi officij, ut duas præclaras gemmas hisce in ædibus repositas conservem, videlicet Cordis Puritatem & Innocentiam, quarum tam ingens premium est, ut non possint pro dignitate æstimari. Eorum causa obtinendarum Domus hæc cum cæteris, quæ in hac solitudine sive nemore collocatæ sunt, ædibus, fundata & exædificata est. Et quidquid à nobis geritur, id omne ad has obtinendas conservandasq; gemmas referimus. Quòd si Curiositas, Vanitas, aut Singularitas per cordis, oris aut actionis ostium intromitterentur, utramque hanc gemmam nobis furto ablata ab sportarent. Atque eamobrem dum Virgines nostræ cogitatus, verba & facta sua ad hasce consequendas tuendasq; gemmas non referunt, pro haud mediocriter fatuis eas habemus, ut quæ, quid faciant, ignorent.

rent. DESID. Quorsum has servatis gemmas, cùm tamen ex professo pauperes sitis? Periculum certè est, ne in avaritiam incidatis, dum hujuscenodi tamen non necessarias ac superfluas, & supervacaneas retinetis opes, pura gemmas & res preciosas, quando interim pauperes multi præ fame moriuntur. SIMPL. Secùs seres habet, atque tu putes. Nam tametsi in amore, appetitione, ac possessione opum, cæterorumq; bonorum, sive spiritualia ea sint, sive alterius generis, pro intentione ac scopo, propter quem appetuntur, possidentur, ac in usu habentur sive expenduntur, fallacia & avaritia latere possit: in harum tamen possessione gemmarum non potest ulla inesse impostura, eò quòd ob Amorem DEI (ut videlicet illi serviamus ac placeamus, dumque vel ipse hue ad nos venit, vel nos illius in ædibus sumus, iis eum honoremus) eas concupiscimus, servamus ac tuemur.

Cæ-

Cæteras opes vermes ac rubigo per-
versæ intentionis infestant, cò quòd
externæ sint & expositæ. Has au-
tem, quæ in corde latent, nulla
rubigo, nullus situs, vermis nullus,
nec ulla putredo potest attingere.
Non enim cujusquam, præterquam
illius, qui eas habet, patent obtu-
tibus. D E S I D. Quid igitur, si is
eas detegat, nullusne vel situs, vel
vermis eas infestabit? SIMPL. Mi-
nimè; nam si ea causa eas patefaciat
vel ostendat, ut videantur ab aliis,
eas habere desinit. Siquidem qui
eas habet, non se cogitat eas ade-
ptum, sed eo in studio ac cogitatio-
ne perpetim versatur, ut eas possit
adipisci. Interdum namque Domi-
nus ita has largitur gemmas, ut qui
eas consecutus est, non eas agno-
scat, sequere eas habere nesciat. Quod
quidem facit benignissimus D E U S,
uti ne temeritas, præsumptio, sui
existimatio ac magnipensio, intùs
in corde latentes, eas suffurentur &
tol-

tollant. Adeoque quisquis eas maximè adeptus est, quantum potest, diligentissimè eas occultat & tegit.

*Quibus rebus Cordis Puritas
& Innocentia servetur.*

CAPUT XIX.

Delectabatur interim Desiderius hujus virginis sermonibus, dixitque illi? D E S I D. Dic mihi, oro, quibus rebus gemæ istæ potissimum serventur. SIMPL. Unum inter cætera novitiis & juvenibus præcipuè necessarium est, idemque senibus & proiectæ ætatis non est incommodum, videlicet Fugere, portasque & ostia seris obfirmare. Enimvero si quis multorum velit uti consuetudine & familiaritate, multaque audire & aspicere, is ægrè has poterit servare gemmas, idque hac ex causa, quòd anima nostra ceu spe-

ca

culum sit, quaslibet rerum ipsi propositarum imagines & simulacula recipiens, itemque velut cera signum sive sigillum ipsi impressum retinens, atque etiam instar vasis picei, quod fieri non potest, quin ingentes ex pice maculas ipsi inherentes, contrahat. DESID. Sed quinam fugere is potest, aut portas occludere, qui in aliqua religiosa vivit sodalitate? Siquidem crebro huc atque illuc pergere habet: & Praefectus vel Superior modò haec, modò illa imperat, cogiturque aliis atque aliis colloqui: imò verò etiam cum omnibus miscere interim colloquia necessary est, communemque & affabilem se præbere. Nam alioqui singularis habebitur, singularitas autem, etiamsi sub quodam sanctitatis & virtutis prætextu suscipiatur, odibilis est, deserique ac vitari debet. SIMPL. Planè sic est, ut ais, obedientiæ & amoris causâ multa nos dicere, audire, cernere oportere, quæ si quis

pro-

propria ductus voluntate facere vellet, erraret haud dubiè & perperam ageret. Cùm autem obedientia & charitas ad ea nos hortantur & commonefaciunt, (modò ne simus negligentes, faciamusque, quod in nobis est) periculum abest, ne hásce amittamus gemmas. DESID. Quid agendum est, ut faciamus, quod in nobis est? SIMPL. Necessarium, quidem est, ut quisquis obedientia, vel amoris, aut veræ necessitatis causâ, ob Puritatis & Innocentia servandas ac tuendas gemmas, secum manere, & animo collectus esse, atque ab aliis in silentio seorsum degere non permittitur, me sibi comitem adhibeat, meoque fretus solidatio, etiamsi totum cogatur peragrare orbem, non est, quòd se has amissurum gemmas vereatur. DESID. Obsecro, per similitudines quasdam isthæc planiūs explica. Ita enim simplices ea melius capient, ac tenacius retinebunt. SIMPL. Nihil.

F am-

ambigas, Cordis Puritatem & Inno-
centiam (quæ præcipua ad capel-
lendas virtutes omnes adminicula-
funt, quibus etiam compendiosius
ad extremam perfectionem, finemq;
ultimum, nempe D E I Amorem,
ab solutamque pervenitur charita-
tem) servare volenti, necessum es-
se, ut fugam arripiat, portasque
claudat. Id si facere non licet, me
sibi adjungat comitem, atque in illis
omnibus, quæ vel videre, vel au-
dire contigerit, me in dextro suo
collocet oculo.. Atque ubi sinister
cupiditatis, vel temerarij ac stolidi
Judicij oculus quippiam aspectare
molitur, id ipse dextro simplicitatis
contueatur oculo: ita secum simili-
citer cogitans, sibiique persuadens,
quemlibet Marem vel Fœminam,
Fratrem aut Sororem, &c. omnipo-
tentis DEI angelum & filium esse, &
alia omnia, instrumenta quædam &
organa esse, quæ creatorem suum
sine intermissione collaudent. Et

dem-

demique ratione quidquid mali de proximo suo vel audierit, vel perspicerit, dexter oculus excuset, ac in melius interpretetur: atque de creaturis omnibus, ad quas appetendas sinister cupiditatis oculus ipsum permoverit ac illexerit, D E U M laudet & benedicat, commemorans secum Creatoris sui pulchritudinem, dulcedinem, bonitatem, aliasque illius virtutes & proprietates, dicentesque sibi: Evidem creaturas non alia ratione appetam vel amore prosequar, nisi ut in illis & cum eis D E U M diligam, laudem ac benedicam. Similiter in cunctis verbis, factisque suis necessarium est, me sibi conjungat & societ. DESID. Quam ratione cuncta hominis opera simpliciter sunt, sive cum simplicitate conjuncta sunt? SIMPL. Quando illius Intentio simplex, pura, & recta est, & quæcunque agit, in se ipsis alioqui bona, etiam cum omnibus loci, temporis, personarum.

F 2. cir-

circumstantiis, justa rectaque sunt:
nec nisi ad laudem & honorem DEI,
vel ob propriam aut proximorum,
sive animæ, sive corporis salutem,
seu virtuti consentaneam utilitatem,
vel ob Reipublicæ commodum cum
&ta facit, jam semper, ubique, & in
omnibus cum simplicitate graditur.
Is autem revera feliciter & securè
graditur, qui hanc sibi perpetuam
adhibet & servat comitem Simplici-
tatem...

De Paupertate.

CAPUT XX.

D E siderius hujuscemodi Simpli-
citas Sermonibus impendio
recreatus, cum ei valedixisset, du-
ctus est à sapè memorata Procuratri-
ce in alterius cujusdam, ex Humili-
tatis filiabus, virginis cubiculum,
cui nomen erat Paupertas. A qua
æquè

æquè placidè suscepimus, eiique assi-
dere jussus, ita eam affatus est. DESID.
Equidem tua sodalitate non parùm
delector, certus, Amorem DEI
impendiò charam te habere. Velim
autem conditiones ac statum tuum
mihi edicas. PAUPERTAS. Ob
Amorem DEI, nihil rerum laben-
tium, sive mundi hujus, vel habeo
vel appeto. DESID. Qua igitur ex
re gaudium & consolationem capis?
PAUP. Potissimum ac præcipius the-
saurus, opesque & gaudium ac con-
solatio mea est, causâ Amoris DEI
nihil habere. DESID. Id sanè per-
quàm miror: quandoquidem, ut ab
aliis accepi, Domus ista à nobilissi-
mo, ditiissimo, ac liberalissimo,
quem Orbis habeat, Domino fun-
data & extorta est. Cur igitur is
ferre potest, aut quid causæ est, ut
velit illius tam inopes, miseras ac
indigas esse habitatrices? Neque
enim etiamnum capio, quamobrem
paupertas vestra illi grata esse queat.

F 3 PAUP.

PAUP. Id ex me audies. Dominus ille, qui hujus opifex & fundator est Domus, totius mundi Rex & Dominus est, ejusque opes & thesauros omnes in sua manu habet: ac nihil seciùs hæc illius grata voluntas est, ut pauperes simus, ne in aliquid aliud, præterquam in ipsum, cor, animum ac amorem nostrum conferamus & collocemus. Quod si rerum omnium copiam ac affluentiam præstare nobis vellet, posset id quidem, sed amicis suis charioribus ita non facit, quod ipsum solum appetant, atque hunc mundum odio prosequantur. Estque hoc vel principium & maximum amoris illius erga nos indicium & argumentum, dum nos in hoc exilio, in hac vita ærumnosa minimè consolatur, nequidquam eorum, quæ caro concupiscit, nobis subministrat. Deinde etiam hac ex causa rebus inopem nos vult vitam agere, ne nos supervacaneæ rerum ac divitiarum tempo-

ra.

talium curæ & solicitudines occu-
pent, sed integris ac indistractis cor-
dibus, cum omni gaudio spiritu ipsi
famulemur, neque rerum mundani-
narum & temporalium lucro vel ja-
ctura, adversis vel prosperis casibus,
vanâ lœtitia vel mœrore afficiamur,
atque ita corda nostra in pace & tran-
quillitate absque tædio, perturbatio-
ne vel distractione D E O unita sint.
Ea namque Divini est Amoris tene-
ritudo, ut non nisi in abstracto,
mundo, pacato & tranquillo com-
memori loco velit. D E S I D. Quæ-
nam præcipua tua virtus est? P A U R.
Ea videlicet, ut me consodalibus
meis, quibuscum vivo, quoad fie-
ri potest, conformem & adaptem.
Unde tametsi nihil habere desidero,
attamen ob excludendam feram
quandam, vocabulo Singularitatem,
huc ad nos irruptentem, hortumq;
nostrum depascentem & fructus de-
vorantem, Domina Mater nostra
vult me vivere instar cæterarum. Et

F 4 ne



ne virtutis meæ præmium amittam,
Sancto cuidam Proposito, cuius est
nomen, Nihil Exigere, me in ma-
trimonium collocavit. Ad hæc di-
xit mihi, siquidem perfecta effici
velim, ut iis, quæ mihi ministrantur,
sive multa sint, sive pauca, ac per-
inde communi & simplici victu, ut
lautissimo, gaudeam & contenta-
sim: imò & de illis, quæ apponun-
tur, ob Amorem DEI quippiam re-
liquum esse sinam, satisque habeam,
necessaria inde sumpsisse. D E S I D.
Id sanè ejusmodi esse mihi videtur, ac
Si plus aliquid optes, quam esse bo-
nus, plus etiam facere velis, quam
sis obligatus. Nam, ut ego sentio,
Dominus vester, qui has fundavit
ædes, spiritus paupertatem vobis
præcipit, uti etiam Psalmographus,
Divitiæ, inquiens, si affluent, no-
lite cor apponere. Quamobrem sic
arbitror, paupertatis virtutem non
in eo sitam esse, si vel multum vel
parùm habeas, sed in cordis affectu

vel

vel applicatione. PAUP. Haud inficias eo, virtutem paupertatis in spiritu consistere: at tamen tutius est, Divini causa Amoris, cunctis se nudare facultatibus, nec quicquam habere: quandoquidem amor & affectus noster erga res pulchras, jucundas, subtile & novas usque adeò propensus est, ut eas ægrè habere quis possit absque amore, affectu & cordis appositione vel applicatione. Ne igitur quandam nostri erga DEUM amoris, qui tam exiguus est, partem ad se rapiant, satius est stramina ab igni removere. Enimvero DEI Amor totum hominis amorem soli sibi vendicat vel poscit: & perplures invenire est, qui hac in parte imponant sibi ipsis, dum ita aiunt: Evidem hujus rei non magno amore teneor, eamque mihi subtrahi haud gravare ferrem. Crede mihi, amor & affectus tam subtilis est, ut perquam raro ejusmodi rebus non adharet. Exemplum vero capias

F 5

cx

ex ipso Domino Nostro JESU Christo, qui, cum omnes mundi facultates absque ulla cordis & amoris erga eas apponendi cura & metu habere potuisset, tamen quam pauperum ipse vixerit, tum etiam ejus veneranda Genitrix & sancti Apostoli, non te fugit. Quod quid aliud sibi vult, quam nihil nos neque animo, neque affectu, neque possessione retinere debere? Quapropter ea omnia, quæ in meo solebam cubiculo habere, prorsus à me rejici: ita ut non nisi dulcissimi JESU mei imaginem, quemadmodum nudus pependit in cruce, retinuerim, quo illius erga me amoris memet commonefaciat. Perplures olim codices assertare solita fui: at nunc removi omnes, paucis duntaxat, iisque principis, reservatis, videlicet Bibliorum volumine, Vitis antiquorum Patrum, Vitâ JESU, & nonnullis parvis libellis: præter quos, nullos

los alios expeto, amantissimo JESU
meo, & sacratissimæ vitæ illius co-
dice abundè contenta.

De Obedientia.

CAPUT XXI.

Desiderius etiam ex hujus virgi-
nis dictis haud vulgari conso-
latione affectus, ei valedixit, per-
ductusque est à Procuratrice in Obe-
dientiæ cubiculum, quæ & ipsa Hu-
militatis filia erat. Huic Desiderius
ingentein præsttit reverentiam, eò
quod magnæ dignitatis & auctorita-
tis, celebriorisque apud Amorem
DEI existimationis, eidemque lon-
gè charior cæteris virginibus esse vi-
deretur. Cumque manum ejus de-
osculari vellet, non est passa, ut
quæ Humilitatis esset filia, honorisq;
ac reverentiæ exhibitione minimè
delectaretur. Jussit autem eum una

F 6 se-

secum sessum se recipere. Cui De-
siderius: Precor, ait, Domina Ma-
ter, instituta conditionesque tuas
mihi exponas. OBEDIENTIA. Equi-
dem sancto cuidam Proposito juncta
sum matrimonio, cuius est nomen,
Nihil Exequendum Omittere; estq;
vir potens, robustus viribus, & vir-
tute conspicuus, itemque illustris &
strenuus miles: atque is solus feram
illam, quâ nullam orbis habet ma-
gis terribilem, puta Propriam Vo-
luntatem, profligare ac edomare
potest. Quæ quidem fera cunctos
ipſi obsequentes, eamque diligen-
tes, absorbet, vorat, & perdit
funditus: ac nihilominus sibili sui
nimia suavitate malos omnes sibi
morigeros & obsequentes facit, pau-
ciique eam deserunt, donec in exiti-
um & Tartari damnationem eos per-
traxerit. Me verò pars maxima, &
penè omnes fugiunt, tametsi certum
est, me sine neminem DEI Amo-
rem (qui tantæ præstantiæ & digni-
tatis

tatis Dominus est, ut nec totus illi
mundus possit æquiparari) assequi,
invenire & obtinere posse. Et quia
DEUS Omnipotens tam bonum ac
egregium mihi maritum præsttit,
nihil nisi quod is juss erit, facio, neq;
etiam ullum unquam laxamentum,
vel remissionem sive indulgentiam
peto, nisi me magna cogat necessi-
tas. Neque ob furum sive latronum,
qui apud nos plures ita delitescunt,
ut nec videri possint, periculum, so-
la progre di ausa sum. DESID. Quis
igitur te comitatur? OBED. Primò
quidem canem mihi adhibeo, qui
similiter ut tuus, Bonæ Voluntatis
habet vocabulum: deinde sororem
meam Simplicitatem, & filias meas
Devotionem, Alacritatem, Dili-
gentiam, Perseverantiam, Purita-
tem. Cum primis verò Domina &
Mater nostra Humilitas perpetuam
se mihi comitem præbet. Atque
has omnes mihi adjungam necesse
est, modò secura pergere velim ad
exe-

De-
Ma-
uas
qui-
ncta
nen,
estq;
vir-
ris &
eram
ma-
Vo-
are
actos
gen-
dit
li sui
sibi
pau-
exit-
per-
a, &
rtum
amo-
igni-
cis

exequenda ea, quæ facere jussa sum.
DESID. Dic, o^ro te, mihi, ut
Mater vestra Humilitas in rebus ge-
rendis sese tibi sociam exhibeat: si-
quidem id non satis assequor. OBED.
In omnibus, quæ à me geruntur & fi-
unt, etiamsi maxima sint, nihil me
boni fecisse arbitror: neque in iis
fiduciam temerè colloco, aut ob ea
animi superbia efferor: neque item
mihi persuadeo, alias aut non po-
tuiss^e, aut non æquè ac me, eadem
efficere posse: non etiam ob ejusce-
modi rectè ac præclarè facta, quan-
tum ex me est, bonam me existimo,
vel propterea laude affici, aut ad res
magnas gerendas aptam & idoneam
me haberi volo: sed humiliter gra-
tias ago DEO, quod rationem, in-
tellectum, sapientiam & vires quip-
piam illius ob amorem agendi, mihi
præstare dignatus est; aioque mihi
ipsi: Quandoquidem hæc efficiendi
gratiam DEUS mihi donavit, ob
hoc ipsum magis illi obstricta sum.

Ita-

Itaque nihil ab aliis expeto, nisi ut laudent ac benedicant D E U M. Mihi solum laborem & molestiam ad extreum usque vitæ diem: omnipotenti D E O omnem honorem, laudem & gratiarum actionem: proximis verò utilitatem, cedete opto. Mihi, inquam, nihil inde expeto, certa, me ex meisla nil mereri: nec aliud peto, nisi ut Dominus noster suum mihi largiatur amorem, quo sanctiora indies possim opera efficere, nec ipsum unquam offendam, atque in extrema mortis hora, uti spero & confido, dulcem, benignum ac misericordem se mihi prabeat,

A M E N.



D e

De Castitate.

CAPUT XXII.

Desiderius Matris suæ Obedientiæ verbis magnoperè recreatus, ei valedixit, atque à Procuratrice deductus est in cubiculum extremæ Humilitatis filiæ, nempe **C A S T I T A T I S:** à qua honorifice & comiter exceptus, cùm juxta eam resedit, ait illi: Obsecro, Domina Virgo, tuas mihi conditions edicito. **C A S T.** Ut nōsti, Humilitatis cordis filia sum, utorque duabus ancillis, quarum una Abstinentia, altera Verecundia dicitur. Maritus autem meus Custodia Cordis appellatur, qui puerum habet semper ipsum comitantem, vocabulo Custodiam Sensum. **D E S I D.** Quæso, hunc mihi puerum videntum præbeas. **C A S T.** Libens id fecerim. Interim Desiderius pueri hu-

hujus mirabatur ornatum & appara-
tum. Siquidem manu sua tenebat
frænum & lapidem, & ricam sive
velum, denique catenam cuin sera,
dixitque illi Desiderius: Oro te, fi-
li, quidnam hic apparatus & orna-
tus tuus significet, aperias. P U E R.
Frænum istud improbae cuidam be-
stiae, quæ est Domini mei, edoman-
dæ adhibetur, quæ licet exigua sit,
tamen ubi evadit, cunctos proster-
nit, nec quisquam eam retinere aut
cohibere novit, nisi Ostiarius no-
ster Timor Domini. D E S I D.
Quod
hujus malæ bestiæ nomen est? P U E R.
Lingua videlicet. D E S I D.
Ecquid
verò hoc lapide facis? P U E R.
Foramina illo obstruuntur, quæ sunt
retrò in his ædibus, dicunturque
Aures, ne per eas fures irrepant, uti
sapienter usuvenire solet, dum hoc la-
pide non muniuntur. Nonnunquam
verò & ori illum injicio, ne loqui
tentem. D E S I D.
Alij te mutum
appellabunt. P U E R.
Non sum qui-
dem

dein mutus, sed causâ Amoris DEI
mutum me efficio. DESID. Quid hoc
ipso obsequij præstas Amori D E I:
P U E R. Per multum sanè: quando-
quidem per hanc quoque portam
duæ illæ gemmæ, quas Simplicitas
commemoravit, amittuntur, pura
Innocentia & Puritas Cordis: dumq;
mutus sum, id etiam curo, ne vi-
num, quô utuntur virgines nostra,
è dolio effluat aut effundatur. DESID.
Quid? An non curare id posses, si
loquereris? P U E R. Non. Siqui-
dem epistoliuni aperiri non potest,
quin vinum effluat. D E S I D. Pos-
sitne vas quoddam supponi, quo vi-
num effluens excipiatur & conser-
vetur? P U E R. Possit quidem, sed
eò ingens & firma exigitur sapientia,
fortitudo ac intelligentia: atqui ipse
etiamnum pusillus & teneræ ætatis
sum, neque facile id præstare pote-
ro, citiusque vinum omne è dolio
effluxerit, ut nihil nisi ventus in eo
permaneat. DESID. Quid sibi vult
rica.



rica isthæc sive velum? P U E R. Id
 Puritas dicitur, facitque ad sinistrum
 tegendum & obturandum oculum,
 qui Sensualitati militat. D E S I D.
 Anne etiam dextrum regis oculum?
 P U E R. Minimè. Nam is simplicita-
 tis est, quæ non solùm nihil mali,
 sed quæque bona, salutaria ac fru-
 gifera huc introducit. Sinister au-
 tem oculus Sensitivæ Portionis sive
 Sensualitatis est, multoque acutiùs
 & celerius cernit, quām dexter: mul-
 tisque nos incommodis afficit, atque
 adeò ipsam huc mortem adducit.
 Quare necesse est, ut hoc velo ob-
 struatur, quò cuncta pure & candi-
 dè alpiantur. D E S I D. Quæso,
 hæc enucleatiùs efferas, quanam ra-
 tione cuncta pure & candidè aspi-
 ciantur. P U E R. Omnia quidem
 tum puro corde conspiciuntur, cùm
 aliquo ex his tribus oculo respectan-
 tur, puta vel sui inde elicienda sive
 capienda ædificatione, vel hono-
 rando ac glorificando DEO, vel ex-

ca-

cusando & compatiendo proximo.
D E S I D. Etiam isthæc ratio subobscura est: quæso, dic manifestius.
P U E R. Novi te rem probè capere.
D E S I D. Etsi ipse tua dicta assequor, tamen aliis fortassis melius sibi declarari, & certius à me edoceri vollet. **P U E R.** Evidem sic sentio, voluntatem tuam ac desiderium, quo aliis prodesse cupis, & pium cum primis, & multa laude dignum esse, quando non privata captare commoda vel utilitatem, sed aliis velle consultum, non mediocris virtutis, benevolentia & amoris est. Et multa quidem hic apud nos per similitudines & parabolas audisti, quorum interpretatio vel expositio, & profunda, & frugifera, & elegans est: ubi igitur reversus eris, eorum, quæ hic audisti & vidisti, quandam poteris confidere exegesim sive commentaria, quibus ea fusiùs ac latius deducas, & quod Divus Gregorius in sancto Job fecit, copiosius enarras.

D E S I D.

DE S I D: Rectè sentis: neque dubi-
tes, me, volente D E O, quod
hortaris, præstiturum. Nam tam-
etsi eruditis ac intelligentibus istæ si-
militudines absque ulteriori expla-
natione possint sufficere, tamen mi-
nus doctis ac intelligentibus utilis:
sanè ac frugifera fuerit planior ea-
rum elucidatio. Maximè verò id
me negotij suscipere & aggredi pro-
fuerit, si vestro consilio id fecero.
At nunc ornatūs tui rationem mihi
pergas edicere. Quorsum catenam
hanc cum sera habes? PUER. Ea ni-
mirum Oris Moderatio dicitur, qua
Domūs hujus portas obseramus, ne
virgines hīc demorantes, foras eva-
gentur. Namque si catenam hanc
& seram non haberemus, nulla
apud nos esset religio, sed essent va-
na omnia. Denique id certum ha-
beas, modò sinistrum oculum te-
ctum retineam, etiam oculis aper-
tis nihil me videre. D E S I D: Qui
fieri potest, ut patentibus oculis ni-

hil.



hil conspicias? PUER. Eò quòd oculos in capite fixos teneam: & licet interdum humum aspiciam, ipse tamen oculorum repercussus, ad caput reflectatur.

PRIMÆ PARTIS CONCLUSIO.

CAPUT XXIII.

POstequam Desiderius Castitatis constitutudine & sodalitate aliquamdiu usus erat, discessit ab ea impendiò recreatus. Porrò Procuratrix extra Domum eum eduxit, atque illi: Jam quidem Desideri **virgines omnes**, quotquot in his degunt ædibus, contemplatus es. **DESID.** Nihilne adhuc reliquum est, quod mihi demonstrare velis? **PROCURATRIX.** Si ea omnia, quæ hinc auribus & oculis assequutus es, probe servaveris, atque in opus

pro-

protuleris, satis instructus eris ad inveniendum Amorem DEI. At tamen insuper arborem quandam nostro in pomario positam, tibi ostendam. Hac arbore sanè eleganti visa, Desiderinum ingens cepit admiratio, præcipue quòd duplicem ferret fructum, aitque Procuratrici: DESID. Cujusmodi sunt fructus isti: PROCUR. Fructus in infimis nascen-tes ramis, iidemque pallidi ac discolores, dicuntur Dissidentia sui: qui verò in summis nascuntur frondi-bus, colore eleganti & roseo, Con-fidentia in DEUM, appellantur: quibus fructibus eos, qui huic ingrediuntur, vesci oportet. Nam si iis non vescantur, omnis eorum la-bor inanis est, frustraque huc veni-unt. DESID. Placētne ex his fru-ctibus mihi impertiri, quos in iti-nere mecum feram? PROCUR. Pla-cet sanè. Et primò ex infimis fru-ctibus, nempe Dissidentia tui, quan-tum satis est, ede: supremis autem

iii-

implemanticas turas omnes, quò iis
per iter utaris: sufficientque, donec
ad Amoris DEI pertingas ades. De-
siderius infimis exatiatus ac abunde
refectus fructibus, impensè lata-
batur: porrò summis peram, man-
ticam, manicas & sinum in iter
complebat, aitque Procuratrici.
D E S I D. Obscro, mea soror, se-
mitam maximeque compendiarium
ad Amoris DEI ades iter, quod mi-
hi tenendum dicis, me edoceas.
P R O C U R. Gaudeo revera, dum ad
inquirendum A M O R E M D E I,
iterque capessendum tam probè te
instructum conspicio. At nihil
minus vereor, si solus proficiaris,
rectum iter minimè te reperturum.
Itaque fidos quoddam ex nostris co-
mites tibi adjungam, qui tecum per-
gant, teque deducant. D E S I D.
Sufficitne meus canis, qui Bona Vo-
luntas dicitur? P R O C U R. Neutri-
quam sanè. Nam quantumvis bo-
na sit, non satis est ad hoc iter con-
ci-

ciendum : utpote in quo non solum
perplures feræ, foveæ, trunci vel fru-
tices, vepres & spinæ, sed etiam la-
trones, fures & raptiores multi , qui
homines despoliant , extinguunt , &
sæpius fallunt , reperiuntur. Unde
consultius est, ne uni tuo Cani præfi-
das. DESID. Quando sic se res ha-
bet, eos mihi, quæso, comites præbe,
quos mihi magis utiles & necessarios
nōsti. PROCUR. Accipe tecum
Ostiarium nostrum Timorem Do-
mini, virum certè egregium & præ-
stantem, eoque si destitui nolis, non
patiaris à te discedere filiam ejus ,
nempe Verecundiam, quam similiter,
si amittere non vis , memoriæ refri-
candæ causa apud te retineas herbam,
vocabulo Hūmilem Oculorum De-
missionem. Deinde etiam Simpli-
citas tecum gradietur. Age nunc ,
mi Desideri, divinâ munitus Benedi-
ctione , felix proficiscere. Hoc ta-
men admonitum te velim , etiamsi
vel Timorem Domini, vel Simplici-

G ta-



tatem perdere te contingat, ut ad minus canem tuum diligenter conserves & retineas. Is enim id tibi præstabit, ut eos recuperes. Tantum cura, ut fructus, quos in mantica condidisti, ei edendos præbeas. Ubi autem hinc discesseris, iter, quod ad lævam est, amplectere: ubi semitam comperies, longè aliis viis compendiosiorem, quæ te rectâ ad CHARITATIS domum, in qua DEI AMOR habitat, perducet. DESID. Quinam semita illa vocatur, ut, si me aberrare contingat, alios scisciter, & ad viam revertar? PROCUR. Patientia illi nomen est, quæ ad Humilitatis' tum Charitatis ædes, semita est imprimis compendiosa & succincta.



PARS